

宋

會

要

宋漕運

宋會要

漕運

紹興六年十一月十八日四川安撫制置大使席益言蜀中民已告病而軍尚乏食詳觀籌源圖所以救之不一而足所以奏請轉輸欲於上流水溢之時併運在閘利近處春水生後一發運至軍前庶免如今年夏秋頓至閘絕一也又奏請於利閘州就糴入中庶免如今年多支脚錢而運遠路之費米二也又於瀘叙嘉猷等州打造運船及自用收拾水沅木所伐官地木造船庶免向來拘船之禁致客旅逃避棄毀其船官失指準而又得綱運齊整三也秋初於閘州急糴蒿斛以應軍前急閘又遣官於軍前計議於渠洋就糴十萬碩庶免向來陸運之繁人民校死田萊多荒又得軍前早有糧餉四也行下三路漕司任責起發合運之米自五月後米至今在倉米數起發將盡庶免如向來積米在倉軍前告乏五也又差本司屬官齎奉司錢物往瀘叙恭洛依私下糴買新米就近發起軍前却於西路水運最遠去處允椿米數省水運舟船之費而民無科糴之苦六也詔益前項措置事理由盡利害備見休國之誠令學士院降詔獎諭七年二月二十九日詔訪聞兩浙路諸州縣比因和雇舟船般發大軍錢糧官吏並緣為姦多是立為料次預行通數科率民間見錢規求贏餘妄充他費至如欲作某用即支第幾料和雇船錢應副公私侵欺藏隱弊端百出民甚苦

外

之除令轉運司打造官船計置綱運外從照州縣官船親詣管下州縣子
細體訪如有違犯去歲務効以聞其官吏當重置典憲或監司隱庇不發並當
一併坐罪仍令提刑司嚴核印榜發給州縣曉示十一年八月十六日詔管押
綱船及兩全綱令大郎計數增實今後管押人聽押至兩全綱止十二年七月
八日戶部言兩浙轉運司所發行在米斛綱各稽巡視多是押綱使臣等作過
沿路住滯偷盜耗和多收失陷官物虛有費耗相度得浙西秀湖州平江陰
軍地里遠近紐計在案合破日今秀湖州至行在地里至行在計二百九十
八里計四日二時平江府至行在計三百六十里計八日湖州至行在計三百
七十八里計八日二時常州至行在計五百二十里計十一日四時江陰軍
至行在計七百三十八里計一十六日欲令裝發去處可候裝畢於本綱行程
上批定所定日分地里於經由去處批繫到岸及起發日時候到即納去處伺
候司農寺驅磨如內有押綱不依今來立定日限地里行運在路無故遲程或
有碍分次欠官物之人並中朝廷嚴賜指揮施行及沿路巡尉妄與批破程限
即從所屬按劾從條施行從之十四年四月四日戶部言兩浙轉運司申乞今
後押綱使臣校尉司官押米斛馬料赴行在及軍前交割不以地里遠近除破
耗外別無虧失及以欠不得所立分釐次運所會補足別無遲程一歲內每綱

累界押及三萬碩減磨勘一年每增一萬碩減磨勘一年內馬料陸折推賞從
所屬勘會次第保明申戶部指揮推賞欵依本司所申施行從之十五年三月
二十七日戶部言近來兵梢為見所立分釐稍寬公然偷盜於沿路羅青止及
所立批發分釐前來卸納以致欠數多今措置欵依前項所立分厘止量度
遞減一厘批發其押綱押米少欠非獨兵梢盜羅其間亦有元裝州軍等斛等
意在拘收出剩米斛作契移易於交裝之時減縮斛面優量及當來羅納米斛
多有濕惡或米雜糠粃致下卸權暴擲淨米送納其欠折止令押綱兵梢倍
償今欲行浙西州軍如遇當司押綱到來裝發粮斛並仰於職官及司戶主簿
或監當一員更差撥一員於交裝倉分先次監視斛面及封記過船塔面方得
發行亦免偷侵之弊如有欠少依依施行仍乞約束行在諸倉今後交卸官物
並請監官躬親監視兩平交量卸納毋令合干人作過大量所責不致虧損從
之七月四日四川宣撫使司奏准紹興十三年冬祀大禮赦內一項四川向緣
般發糧運沂沭牽挽間有拋失欠折之數淹繫固圉償納不足深可憐惻仰宣
撫司分委彊明官覈實如委因風水拋失即與蠲放其有侵盜已被被拘籍財
物償納不足者責限十日結絕仍各錄事狀以聞令據知恭州權蕙州路提照
刑獄張茂中取會覈實到洛照開達州南平軍等處共拋失米二千七百五

十餘兩錢六百五十餘貫並係實無家業償納依敕合行蠲放詔依十六年二月九日詔成都府路合應副紹興十七年水運對糴米可依紹興十五年正月已降指揮減免施行以四川宣撫司有請故也五月四日上諭宰執曰聞近日綱運到往往門外剝卸再販運入倉樞為費力自有河道可令開撥恐致埋塞非特綱運不通商旅亦自阻絕十八年五月八日臣僚言竊見兩浙路運米使臣係曹司差募例皆叅部有礙或貨乏不能持次求為押綱志在盜糴官物以給衣食賞罰不能為之利害故勸沮不行焉押米之法最為詳備既不到部則減展磨勘遂成虛文歲月滋久積欠有至數十碩者理難一併追索不過行下所屬除豁兵梢請給移文不已實無有也欲望改付銓曹選有心力使臣管押理為短使無欠而願一併押者聽之如此則畏勸行而官物不失矣亦革弊之一端也詔令吏戶部措置申尚書省逐部今措置欲依臣僚所請候兩浙運司實封報到合用員數將前任請大添走回叅部大小使臣先次差撥如不足大使臣差前任請驛料人小使臣差合着常程短使人其所差人而選間隔差撥節如報到兩員各差一員應副管押一次更不摺運如願再押者聽差管押則別無少欠不了事件除所屬合得酬獎外不以遠近地里更與先次占射差遣一次今後如遇兩浙運司報到合用員數依此差撥從之十九年十月六日太

府寺丞李壽奏竊以國家常賦皆自諸路綱運起發具有着令比年以來州郡監司不務遵守往往多差未出官還人管押以覲賞典多不得人例將官錢更易公然盜用良由初官未諳世務不知憲章既無顧藉得肆侵欺欲望特詔有司申嚴行下今後綱運不得輒差初官人管押庶免欺弊詔令戶部看詳本部與勘合發錢物全在當職官恪意選擇畏謹有心力官管押所有未出官還人竊慮其間亦有顧藉酬獎可以倚仗之人緣合得賞典太優今欲下諸路監司州軍如差未出官還人押發綱運令增倍管押候到合屬庫務交納予了足止與依見行本等格法推賞從之二十一年七月二日上諭宰批曰漕司未綱近年多差本司使臣往往作弊致濕惡腐壞可令本司中吏戶部依祖宗法差在部短使人庶有顧藉不敢作弊八月七日詔武略大夫筠州指揮陳寶處發出身以來告勅文字除名勅傳送歸州編管以實管押本州折帛錢綱赴池州太平州交納在路違法借貸法當絞特貸之九月十六日詔諸路轉運司今後押綱使臣許於本路州軍見任指使准脩差使內踏逐選差有心力可以倚仗之人先是本司多差不曾到部付身不圓軍中揀汰使臣無賴作過官米濕惡不堪支用至是戶部有請從之二十二年三月二十六日詔四川監司州軍今後募差管押綱運須管先選有行止可以倚仗官及有行止付身圓脩之人充保

如押人使使移易其保官與降兩官之募是不當官吏依紹興五年已降指揮降一官放罷人吏從杖一百所停所欠錢物除押人依法斷罪估賣家產填納起發外如有未足數日於干繫人名下依條追理從戶部請也十一月十八日南郊赦勸會監司州軍差委見任官管押綱運交納別無違欠合行推賞內有依條不應差官出官以此不與推賞無以激勵今後似此之人如無^以違程與比附正押綱官減半推賞十二月六日戶部言諸路合起發米斛赴行在并外路卸納綱運除官綱係差短使或指使自有立定分厘耗折罪賞外所雇客綱係逐洲軍依見行條法指揮召募文武管押從來多無欠折至卸納處如交納了足方行推賞近來所押客綱却有欠折下卸去處便依官綱地里分厘除破耗折暗虧官物兼客綱自合依所降指揮拘收水脚錢分數前來卸納處准備填欠其客綱^被與官綱事体不同欲乞將江湖等路今後如募差文武官管押客綱被耗與此官綱減半除詔耗米方得推賞所有今來未申請以前元管押客綱未經推賞破耗綱運且依已保明到推賞事理施行即於見行條法別無相妨庶免暗虧官物詔依二十三年六月五日戶部司農寺言契勘諸路起發斛斛赴卸納處依節次所降指揮押人已有等第推賞內除兩浙賞格已是適中外有其餘路分合起糧斛差募押綱舊立賞典委是稍優今相度欲乞申

明將江南東西荆湖南北淮南路諸州軍今後起發米斛綱運至下卸處差募文武官校副尉并未出官選人及不應差出官依見行酬賞指揮上各與三分內減一分所有日前赴所屬納畢綱運亦乞且依先保明列事理依舊推賞餘依見行條法指揮施行庶得均濟從之十八日右正言前崇政殿說書史才奏伏見諸路州軍起綱發納錢物差官及使臣衙前兵梢等押赴行在所合屬倉庫交納至有折欠數並將合干人押下排岸司追理排岸非行法官司無所研問得其人則使人監守夜則寄禁錢塘仁和兩縣獄中其人皆遠去家鄉無親故可以假貸身為囚繫欲償無路情不獲伸徒淹歲月凝寒酷暑不得休息糧餉不繼因餓狼狽累相屬而莫之恤夫損失官物而責其備償有侵盜貿易之弊者付有司治之則情可得而失物可追不待監禁之嚴而弊已革矣乞應舊庫交卸綱運折欠並即時具名色數日申解所屬見得有侵盜貿易之弊者送大理寺推治其過誤損失並押下元起綱處依法施行況本處自有抵當委保與身分請給皆可格償追足附綱起發則折欠可不撥而辦從之二十六年七月十三日詔行在排岸司見監米料綱運管押人并綱梢一百餘人陪填在路批發折欠米料皆是貪乏之人無可填償日夕飢餓情實可憫並與歸放外路有見禁似此之人若非侵欺盜用委是折欠即依此施行二十七年七月十

二日兩浙路轉運司言為浙西州軍人戶納苗米水脚錢赴通判廳縣丞廳於
經總制庫收貯并管押米斛馬料赴行在及軍前交納每船及二萬碩計減磨
勘一年每增一萬碩減磨勘半年及押綱使司兵預合得請給乞撥定州府應
副依條限幫支倉部勘當押綱使臣管押米斛馬料赴行在及軍前交卸除破
耗到無拋失外及欠不碍所欠分厘次運折會補足別無違程一歲內每綱累押
及二萬碩乞許減磨勘一年每增一萬碩減磨勘半年所有欠多押綱兵梢合
該責罰及兵梢納足特賞並乞依見行條法施行從之二十八年七月三日直
敷文閣新權江南西路計度轉運副使李邦獻言奉旨令臣與李若川將江西
路紹興二十一年至二十六年分已起未到米一百六萬四千五百碩疾速催趕
前來并未起七十萬五千一百餘碩併綱裝滿發並限半年到行在等處竊緣
江西米運其弊有五一則押綱不得其人二則官綱每船減裂三則水脚廉費
不足四則不曾措置指運遠近五則卸綱處乞取太重科面太高不除攤廳折
耗所以失陷數多故望許召募土豪及子本客人裝載並與依舊例上更許搭
帶一分私載於裝發米處出給所附行貨長引并批上行程亦厝沿路與免商
稅即不得留滯綱運如不願請船脚錢者管押及二萬碩無少欠與補遺武校
尉二萬碩加一資依軍功補官法如土豪客船不足許令逐州選差見任文官

宣教郎以下至選人及武官大小使臣管押若無欠少與依紹興五年十一月立定賞格推恩如一萬碩一千里以下減四年磨勘二萬碩更乞與減二年磨勘三萬碩轉兩官止戶部看詳一乞召募土豪及子本客人裝載今欲許召募有家業及所押物數不曾充公人亦不曾犯徒刑非允惡編管會赦原免之人當職官審驗諸實其自備人船等項三十里支水脚錢三百文能計地里短許將一分力券裝載私物與免收稅批上行程沿路照驗若所供不實或借人抵產許人陳告依說名扶戶條勒斷罪財產沒官經由稅場監官即躬親照驗放行干係公吏乞覓論如監臨主司受財法計賊斷罪無故留滯者杖一百到部納處依自來綱運條例計地里除破耗米如有欠候補足保明申朝廷降付戶部勘驗關吏部等處依今來修立賞格請降付身所乞逐州選差見任文武官今欲令江西運司於見任應差出之官內選差或募寄居時闕官召詳官二員除計地里合破耗外如無拋失欠違程從交納官司保明依今來修立列賞格等推賞並重別增損擬定賞罰格如後土豪子本客人運載米斛二萬碩有運每二萬碩轉一官賞通押及四萬碩行放參詳注投差遣三千里以上承信郎二千里以上進武校尉一千里以上進義校尉右除地里折耗外如少欠三釐以下與依格推賞如三厘以上候補足日推賞命官差募管押賞一

萬頃二千里以上無官欠減四年磨勘每加一萬頃增一倍值實不滿一厘減
三年半磨勘不滿二厘減三年磨勘一千里以上無官欠減三年磨勘每加一
萬頃增一倍值實不滿一厘減二年半磨勘不滿二厘減二年磨勘三千里以
上與通增一等推賞謂如元合減四年磨勘而及三千里以上者減三年磨勘
之類罰少欠三厘展三季磨勘每加一厘展三季至一分止少欠二分每分加展中
年磨勘至四分止刻下班祇以類少欠五分命官銜替副尉下班祇應勅
停一却納庫乞取太重科而太高不除御賜折耗今欲令江西轉運司將合起
米先次差人別費一般樣赴司農寺照會候綱到日中戶部差郎官一員前去
對樣交卸不得將所起米擅自撙節折耗疾速交納其合起總領所米亦合依
此封樣候到差官交納仍令戶部長貳總領官不測赴倉點檢如有違戾各仰
按劾施行其押到米與元樣不同委有夾雜沙土即申本部及總領所差官看
驗依條交卸一水脚庫費錢本路所起米一百七十餘萬頃有遂州隨苗收到
水脚錢三十四萬餘貫兼朝廷給降乳香套一十三萬貫并就撥經撫總錢
十七萬八千餘貫應副差發本司自合將上件錢相兼措置起發自餘押綱作
樂舟船減裂並係本司合行事務欲下江西路轉運司一面措置從之九日戶
部員外郎莫濤言比來諸路綱運率多稽遲至有申到綱解經涉歲月而猶未

至者逗留數旬方能起發致押綱人得以肆其奸弊雖給行程文曆所至計囑
妄作緣故開破月日監飭諸路州軍應起發綱運具實離岸月日先申戶部仍
據前路州縣遞相聞報亦各具出入界月日間申仍委本部以申狀類要候綱
到擇其稽違之甚比較沿路留滯最多去處令本路漕司根治上曰諸路綱運
之弊其來已久蓋緣押綱之人多是請求而得往往沿路移易官物於所至州
縣收買出產物貨節次更賣以規利息至有一二年不到此猶是不作過者其
間用意作過之人公然乾沒量留些小至行在謂之打官方錢又既到之後倉
庫合千人等多量巧取百端邀阻其弊不可勝言者卿等軍令逐一措置革去
弊源庶幾不至失陷官物寧臣沈該等奏曰此因起江西米運已令戶部條畫
措置務要盡革宿弊今漕又有陳請當就令措置於是詔戶部看詳本路言今
欲將諸州軍申到綱解元狀並行下太府寺籍定將州軍綱運每半年一次擇
其稽違之甚者申戶部而屬曹分行下本路漕司根治施行從之同日諸路糧
綱到行在交納其受納官司往往取賂牙器加大攤攤欠折致拘留押綱一行
人在岸催納欠息急於星火以致日久折賣舟船填數不足仰戶部長貳契
今糧綱欠折者如委無欺弊並充典責放仍令帶駕空船各回本處將合陪還
確實數目令本州充納依數補發今後依此施行二十九年四月十七日權戶

部侍郎兼提領諸路鈔錢趙令諤奏行在錢糧全仰舟楫而河水淺流留滯綱運自臨安府至鎮江府沿流堰閘往往損壞經久不修走泄運水望令逐州守臣差官前去相視計置如法修整從之二十三日詔今後除依條合圖併錢物照應見行條法施行其餘州軍合發錢物並不得差募官附押兩州錢物如違將所押正綱合得酬賞減半其附押官物請過水脚雇費等錢於違戾差違押官司人吏名下追理入官將所差違戾官司從杖一百科罪二十八日總領四川財賦軍馬錢糧所言四川押綱官不許附押他司錢物并乞修立斷罪條戶部欲自今後四川州軍諸司起綱去處輒差官附押他司錢物及押綱官受差附押者率紹興勅諸因職事例受制書而違條科罪受差官正綱合得賞典便行減半脚錢追理發納從之三十年四月九日右正言沈濬奏竊見四方綱運輻輳闕下頃以銜接管押多致失陷乃選差命官俾任其責遂定賞格以勉之不然罰亦隨至今者有自川廣數千里之遠涉風波冒不測曆歲月之久方抵闕下幸而無虞元數已定足方獲朱鈔次經太府寺陳乞保明申部推賞寺中阻難已畢方肯申部部中又復阻難望下所屬官司如已獲朱鈔許令節次保明推賞或有不節未圓亦許先次放行其或所屬奉行違戾許部綱官徑赴朝廷越訴重行根治從之八月二日臣僚言竊惟漕運所用美惡於舟江東諸郡

皆雇客船江西則於洪吉贛州官置造船場每場差監官二員工役兵卒二百人立定格例日成一角率以為常運司募押綱使臣悉由聞節訪聞一綱例行賂七百緡始得之皆胥吏輩為奸也且以江東與江西事件相類但江西運米稍多耳江東每綱給水脚廩費錢付之押綱官令自雇客舟及水手以往客人愛獲其利至去運還不肯留滯獨江西撥船發卒一切抑給於官載之江東雇舟大不相侔乞委江西帥臣或提舉常平司同吉贛州守臣公共相度造舟與雇舟利害以聞別賜裁酌從之同日臣徐言諸路轉漕米綱最為急務前後條約未免於有弊且運司胥吏邀阻乞覓竊稍乘此恣行侵盜可以交卸虧折不免監繫不若令州郡自募有合起綱等錢就令起辦但運司每歲將上供米數着實撥下諸州以下卸去處分道理遠近責其限程時行比較違戾者罰其運使更不差官又揀汰軍員置在州郡多者百十人少者三五十人久在軍旅鍊歷艱辛今止分布守衛坐食若令隨押綱官管轄照顧必得其力除見請受外量支食錢以夫船之多寡輪次差使戶部看詳諸路綱運司及州軍指使准備差使有心力倚仗之人內差撥江西許差土豪及選逐州見任文武應差出官及募寄居待闕官管押兩浙係差短使內有再願充押綱及付身圖格會到部使臣管押緣逐路漕司並不遵守致令乞覓作弊今依所請其所差揀汰軍員

舟船多寡酌量差撥從之三十二年九月二十四日

轉

宗即往未改元權江淮

荆浙福建廣南路提點坑冶鑄錢魏安行言乞自正月以來募官押發今年錢網依舊以二萬貫為一全網自二萬貫以上添押之錢與據數推賞謂如一萬貫合減十箇月零半月磨勘五千貫合減五箇月零七日磨勘之類不必煩減成全網如此則易為起發免致留滯從之十月六日詔諸路網運起發本州具的實離岸月日及所經州軍亦具到發月日並申戶部本部計程機察住滯如日數多者下所隸運司根治其由如與販以規利者就今經歷所在常切覺察以新除福建路轉運判官王淪言近年以來所在起發網運動輒遲滯由諸州不能預辦合發錢物率皆前期虛中網解稽留累月方能發官物既足又候水脚廉費之用亦復旬月方能離岸致郡網人寅緣作樂貸用官錢互市物貨隱瞞征稅至併與全網失陷因而竄逸上則有虧國計次誤支遣下則徒起刑禁無所從出故有是命

孝宗

二年七月四日臣僚言昨因諸路州郡網運遲滯

及有侵欺失陷遂降指揮令寄居待闕等官部押優立賞格以為激勵積欠契生其弊不一其請託之弊或以親知或以權勢競生指占甚致臨期旋相攘奪其二侵害之弊凡所差官或貪於厚利則私將官錢貨驚興販其三夾帶之弊既將所押官物轉變別貨乃至隱離禁物引帶客船其四僥冒之弊部押之

賞朝官轉官選人循資而選人因其循資及占射恩例便可別就改注凡此四
弊皆歸於權勢有力之人賄賂請求奸巧爭奪乞將諸州郡合發綱運今後只
差見任官管押除本州職幕與諸縣知縣不許差外餘皆先後轉差若不及
全綱自有本州准備差使使臣據其多少貼單員亦可前去其差賞典且許依
寄居未出官例不為不優然既有廉費脚錢其官吏與阻行人口等食錢之類
盡不當破所有四川係遙遠之地即乞指揮令本路相度從便施行詔令戶部
看詳措置既而本郡言欲下諸路監司一依今來臣僚所請事理令監司州軍
具見任依條合差出官并本州准備差使使臣籍定先後姓名將合發綱運通
差管押仍差軍員隨行防綱到交納處勘驗如委無欠項遲程照應等等見
行格法未出官選人例推賞施行押官口券更不添破防綱軍員差不出給口
券竊慮關食留滯欲依舊出給合國併州軍去處依條國併並屬其四川並行
在地里遙遠亦依今來臣僚所請行下監司相度經久可從便施行從之十二
月十六日德音楚源漢廣光州舒州光化軍管內并楊成西和州襄陽德安府
信陽高郵軍應州縣倉場庫務但干係官錢物并般押諸雜綱運往別處州縣
收發或回易與販不曾遺失者候德音到限十日經所在首納並與免罪如限
滿不肯及首納不盡令監司守臣究治聞具奏聞重寔于法禁嚴乾道元年正

三年十月五
日同制一條
係甲子年南
郊赦文

月一日南郊赦諸路州軍糧發米斛緣有折欠其交納去處見將管押人并綱
梢等送所屬陷填訪聞其間有貧乏之人無力償納日久徒有監繫情實可憫
可憐見欠五十碩以下並與蠲放其欠五十碩以上人亦蠲免五十碩外其餘
所欠數目行在委戶部外路委總領官取見諸實先次批發押下元裝發州軍
衣數補置二年正月十九日詔利路運糧人夫每名給錢二十令紐計度牒走
降足數文閣直學士四川安撫制置使汪應辰乞優恤利路運糧百姓而漕
臣亦具奏乞運糧一石人支錢引三道計合降度牒八百餘道上謂輔臣曰中
間亦曾免了一處洪适等奏曰成和等四州已嘗免夏秋二稅一年京西路諸
州亦免二稅一年因有是命十一月九日詔諸路州郡綱運自指揮到口並解
發見錢其自來不通水運去處依舊解發輕費後因江東路申請尋諸路自乾
道三年為始三年十一月二日六年十一月六日九年十一月九日南郊赦並
同此制二十三日抵項淮南江東軍馬錢糧使言綱運之法各以地里遠近
官為破耗不為不擾而比來糧綱失陷官物十常二三非皆風水之虞也臣聞
在京舊制自發運司運糧入京並於三司差人坐押最為良法南渡以來募官
押綱人但希恩賞不量智力而合千人始得肆其蠹弊矣其終不過監繫追納
或賣船填欠或押歸本州神發大則枉陷官物次則部押官徒同被罪戾欲降

指揮今後諸路糧綱在內於三司在外於所料撥軍分每米一萬碩差使臣一員將校軍兵十人於襄陽州軍取撥生押赴倉交卸破耗水脚磨費實格悉依募官押綱條例內給施行其於革絕侵蠹之弊實非小補詔今後令戶部提領所相度措置差撥 六月四日詔諸路州軍起解錢綱見以會子見錢中半發會子贖納訪聞諸州軍却將人戶納到見錢避免起綱脚剩先換會子起解可通下州軍自今後將應合起發錢綱並以十分為率權許用二分會子八分免錢見錢解會從戶部請也六日詔通路轉運司自今差募押綱須選擇清幹官管押若依前作弊從本部將元差官司取旨重行黜責公吏斷斥押綱官及兵梢等在外令司農寺下臨安府外路令提領所下所屬根勘依法施行別行差人衝替內押綱仍具所欠數目取旨七月四日戶部言江西州縣每歲起發米綱應到江池建康鎮江府等處儲以路遠多因管押使臣及兵梢沿路侵盜往往欠數多又如上江灘碛舟船阻滯欲下江西轉運司就隆興府賄通順便高阜去處改造轉般都倉一所官吏令運司就差上流諸州縣合發米斛自受納之日便差定本州使臣或見任寄居官計置舟船每及三千碩或萬碩為一綱支給水脚磨費等錢兌次起發不必拘定仍據隆興府轉般倉至交納處合用水脚磨費等錢數附綱起發赴江永泛漲之時徑押赴轉般倉交納每季所

科運軍米各以三分為率二分令都統司裝載糧船差撥官兵前去隆興府攬
泊伺候認數交裝或就近便去處支撥起發合用水脚廩費等錢將隨網起
錢依官網以地里遠近則例支破耗米其管押官酬賞亦與依見行條法推賞
餘一分令轉運司依舊用官網裝發凡轉駁倉受納下米斛纔及一綱專委漕
司日下支給水脚廩費等錢出給網牌起發前來軍前下卸欲自今年秋成為
始從之十月五日權戶部侍郎曾懷言乞下諸路州軍將應起網運自來年正
月十分為率一分會子九分見錢內不通水路去處依舊起發銀兩從之先是
諸州網運並要九分見錢銀一分會子懷恐逐州銀價不等以致折閱因有是
奏十四日詔諸路州軍今後起發糧斛網運於見任曾職官內差撥如不足即
依已降指揮差撥見任文武官或寄居待闕官曾經到部付身圓備之人管押
其合得賞典或降指揮每押米一萬碩一千以上無拋失少欠減二年零八
箇月磨勘一萬五千碩已上紐計地里推賞轉至一官止淮東總領韓元龍奏
立綱賞因裁酌而有是命元龍仍請召募土豪自用人船每二萬碩千里以上
補進義校尉二千以上補進武校尉三千以上補承信郎仍許隨綱帶三
分米斛與販如無拖折給賞外更免戶下非法科率年年並從之三年二月十
三日詔今後糧綱有欠並從司農寺一面斷違監納施行知情犯深重事須推

勅送大理寺以知臨安府王炎言在京通用令諸官司事應推勘者送大理寺
所有糧綱推勘若有蠲異始合送大理寺錄依祖宗條法施行故有是命是年
三月一日太府少卿魯亨言左藏庫運時中解州軍綱運錢物內有侵移欠
等今來左藏庫即與司農寺事體一同今後有欠一面斷遣監納如情犯源重
乞依司農寺已得指揮從之十一月二日南郊教諸路州軍起發金銀物帛綱
運內有色類低次之類估剝虧官錢糧行下補發訪聞州縣監勒干繫等人及
元實鋪戶均攤竊應貧乏之人不能償納可將乾道九年赦前未追數目如委
是與可填納並與除放十二月十八日高郵軍駐劄御前武鋒軍都統制知高
郵軍陳敏言諸路糧綱交卸無欠其人船合自卸所徑便發回而總司舊例不
問其欠之有無悉令所屬解押人船謂之出豁未數押綱之人足矣豈須全綱
盡解往往監繫日久所費不貲不勝其苦乞下諸路交卸綱糧去處須管用斛
兩平交量候足無掛欠者其人船先令逐便抵將押綱之人解赴總領所出豁
如此使無欠之人免致失所從之四年三月二十四日臣陳言浙西湖秀蘇常
鎮江江陰六州歲輸上供米若令逐州選委官兵自行裝發運之平河刻日可
到向來漕司通籍無顧籍人為押綱使臣積累欠折已無可償又令自括漕手
為兵稍支破而軍衣糧每遇欠折即將名下日後水糧預行括充名為折會夫

以無顧藉之官部無衣糧之卒使之護送官物殆猶餓虎守肉責以不啗其可
乎已將湖秀等六州上供斛斗責逐州委官自行裝發漕司只是嚴限拘催從
之五月七日權戶部尚書曹懷言奉詔措置倉場和納綱運今條具欲下諸路
轉運司約束兩部州軍凡裝發米斛原費水脚不以等錢不以時給及縱容減
剋或故小量斗面似此犯虐並依法斷罪仍申嚴條令於倉場門板榜示眾綱
運到岸若有濕潤砂土糠皮自有撈颺攤曝日數即目並不遵依條令抵據憑
專斛之口致行用錢物計爲求免及應却納綱運司農寺丞簿亦不驗樣交量
止令公人取樣其間行用者則免攤擲無行用者悉縱作踐今欲令司農寺官
遇交納綱運須遵條例躬親監視交量以絕其弊有犯從戶部覺察申罰州郡
支裝綱運在法合用堵面印記封鑲今欲下諸路轉運司申明條法如却納倉
場驗無印記綱船申司農寺依條按治受納綱運並條大小甲頭以上河入教
腳錢爲名邀勒錢物及計囑專斛欲下司農寺常切覺察有犯送大理寺根治
倉場合千人欲勒令司農寺常切覺察如有曾犯徒配改姓名冒役之人日下
勒罷立賞許告押綱官及兵稍欠米斛解出豁監納往往令人代名竊慮失陷
不便今欲日後遇有少欠監管之人須將正身封脣施行從之五年十二月六
日戶部尚書曹懷言乞下諸路監司州軍應今後所起綱運須依法擇應差之

人管押如冬令交受倉庫止據實納之數先給鈔其不足之數並作未到下元起州軍限半月補發從之六年十一月六日南郊赦諸路州軍起發金銀錢帛綱運內有色類低次之類估剝虧官錢數行下補發訪聞州縣監勒子索等入及元賣鋪戶均難竊慮貧乏之人不能償納可將乾道三年赦前未追數目如委是無可填納並與除放七年二月十三日詔諸路漕司嚴責所部州軍如綱運經由縣道仰縣道官催督沿流巡尉護送催趕出界仍於行程內批鑒日時交付以次去處即有欠折根究在經由界內偷盜作奸將本縣及巡尉吏人配流巡尉取旨施行從臣僚請也六月四日戶部尚書曾懷言綱運不能如期有悞指準本部合差承受使臣十二員欲於內將六員改作尚書戶部催督諸路綱運分差往來趕運在路綱運及催促諸州軍合發錢物庶免留滯拖欠仍從本部於見任或待闕已未到部大小使臣內不以有無拘碍選差理為責任以催納綱運別無遲滯即與減二年磨勘占射差遣一次如所催遲滯及事有不辦亦賜責罰若要有才力保明再任仍不許差官待闕從之九月二十二日戶部中總領湖廣江西東西財賦呂游問言鄂州至襄陽盡是難積尋常綱運有三兩月以至半年不到者致押綱與舟人通同作奸欲於鄂州要處添置撥發船運官一員專一撥發綱運不令為賊事修舉與減磨勘三年從之十月十三

日詔自今廣南市船司起發蘇色香藥物貨每綱以二萬斤正六百斤耗為一綱如無欠損遵限依押乳香三千斤例推賞其差募官管押等並依見行條法詳見市舶司八年正月一日詔目今寄居見任文臣不限京朝武臣不限大小使臣歷任無贓罪並許押綱其見任官須應差出者唯應奏薦之官不得以綱賞湊理磨勘選人未出官亦許募押其合得酬賞循資外即不免試注授聽於後任收使其綱運地里不該減磨勘到部合陞名次選人與在外指射差遣使臣與免短使先是上封者言諸路錢米綱運近多欠今取會乾道五年六年行在綱運兩年計欠錢二萬四千九百九十四貫米五萬一千八百九十三碩料四千五百六十九碩其王心領所綱運少欠不在此數皆緣所募押官多無行止非理妄用致綱運數壞積弊日深若不措置慮暗失歲計欲望更押綱之法故有是命三月十三日詔近年押綱偷盜之弊不一全無忌畏合別措置令戶部一一相度措置申尚書省戶部言差撥押綱不當即先將押綱官依法施行外所差當行人亦估賣家產均欠物其知通當職官取旨其交納官司無令大量科而官綱兵梢今後裝發州軍量地遠近約度阻風期日寬支請給無令闕食管押米斛綱運一萬碩以上差押綱官二員合得酬賞許行分受仍不許押二萬碩以上綱運經過場務須管當日檢唱即催趕離岸場務官仍於行程

曆內北說某網於某日到岸某日某時起發以憑駁磨故作留滯場務主吏從
徒二年斷作監官取旨承前押官止今到子認欠全不任責今後所差押網並
認拆欠在路所給行程往往妄作緣故乞自今後網運到岸行在委司農寺外
路委總領所期一日先索曆駁磨如違程或妄作緣故量事斷道若所破日限
數多即將押網官并巡尉取旨和雇客商往往往牙保人作獎乞自今後須和雇
子奉客船如依前致欠即將和顧牙保財產均陪諸路州軍網運網運所至州
縣令催網排岸官司躬親索元給行程網解一一照檢分明批所給行程催趕
離界仍通報前路官司如有漏盜欠數即罷中所屬若催網排岸官司及經由
之處不即催趕訊察令本州按劾仍令催網排岸官司司界內有無催過網
運名數飛申戶部從之五月十七日詔兩浙路轉運司復置提轄催網運官
一員以本路計度轉運副使沈度等言隆興二年或罷催提物料等官四員自
後乏使乞仍舊增置故有是命十一月十二日權戶尚書楊俊言諸路州軍起
發金銀錢物米斛網運到行在依元旨寺監差承簿一員輪日監交給鈔比緣
左藏庫提轄官監給其太府寺官絕不前往欲望自今依舊太府寺輪日差丞
簿監給鈔從之九年閏正月十三日詔諸路州軍起發米斛錢物網運少欠人
見監繫在行官司未能填還可將兩浙州軍欠一分以下餘路欠一分五厘以

下並日下權批發一以押下臨安府送元越州軍追理補發其見以浙欠一
分以上餘路欠一分五厘以上之人候納及前項分厘并雜物綱令所屬庫分
將元押及見欠數日估價紐折依此施行二月十五日權戶部尚書楊傑言乞
下諸路州縣今後錢物糧斛綱運止令州縣長官任責照已得旨依公選委才
力能部押人於綱解內明具元差守令職位姓名如有失陷從戶部開具取旨
監司即不許差撥若有差撥亦具姓名以聞而差官更不理賞從之十月六日
臣僚言兩浙州縣所發綱運無不欠者嘗究其原向來臣僚申請每綱拖欠及
一分方送有司究獎所押綱之人守法而不敢輕犯後采獻說者止欲從寬減
作五厘且以米一百碩論之五厘即碩耳其使之全無侵露當風擲颺東量西
折亦恐不免五厘之少如是則舉無納足之綱是絕其自新之路啓其作弊之
端乞將兩浙綱運依舊欠及一分方下有司根治戶部契勘欲將兩浙綱運欠
欠五厘以上一分以下之人立限二十日釐填限及五釐即押下元紫州軍依
限補發限滿不足行在令司農寺外路總領所送所屬根究依法施行欠一分
之人亦令限十日釐填不足即送所屬根究餘依見法從之二十九日詳定一
司敕令所修立到諸綱運以本州縣見任合差出官各籍定姓名從上輪差不
許辭免無官可差即募官管押先選本州本路次別路寄居未到部人非得替

待替待闕官並選差有舉主年六十無疾病有心力可以倚仗人取付身照
監園脩寄軍庫舊收四日即時給還付身土素官給基簿此召本等保

官二員土著官亦許募仍取願收取見產業及得可押價直物收為基簿與在
官無產業不及者拘收外召保官一員即曾犯賊及私罪衙替押綱欠折并

通判路分都監以上及本州食判並不許募其見任官許於替前六十日內指
財各以下狀先後為次即雖應選若當職官當量不可付者聽別選以上各於

綱解內具到元差募監司謂係本司應起發者守令名衙諸宗室及見任本州
守貳本路監司子弟親戚或諸軍揀汰使臣及不應差之官並不許募押綱

親戚或諸軍揀汰使臣及不應差之官並不許募押綱下班祇應到尉衙前
公吏尉級將校軍兵無官土素在此諸綱運於裝發州給行程曆付押綱人

押者止此本官印紙差押者准募押式批書水路於排岸催綱運巡檢司陸路
於州縣鎮寨即時批到發日時附載物名數或風水事故實狀通判督責催綱

巡尉差人防護監趕出界關報前路催綱官司若風濤不可停船聽押綱人從
實聲說事因到發日時結報典狀赴以次官司併批仍押官用印結照保明其

赴闕者水路排岸司陸路所屬者都寺監在外者知納官司照檢諸處起發官
物應給路費錢者並計可至謂如上供物以至京往別路物以知納書之類以

應給錢全支付押綱人水路綱的度阻風日分寬免仍批書解綱行程曆若緣
路截留或寄納即據銷破不盡數與所卸官物各具欵納水路不曾用風有故
到日納官再赴發者以所納錢給如法諸押綱人即納官物訖利諸監糧綱所在官司限
一日取索行程曆印紙驅磨仍批書有無違利諸監糧綱犯罪不可存留
者押綱人具事狀申轉運或發運軍運撥司審度差人交替若兵梢在路羅賣
送本地分州縣施行如聞人帶駕即令所在貼差諸押綱得減年賞者不許湊
理磨勘轉至應蔭補官雖得轉官賞亦候轉過日收使諸糧綱每綱不得過二
萬碩裝載記限三日起發諸綱運應募土看官管押者於行程內聲說起綱事
件並依見任官法諸綱運募土著管押應賞者依見任官法諸綱運差募押綱
官不當致盜移易失陷具元差募監司守令職位姓名申尚書省取旨諸倉受
納糧斛以元樣比驗交量非夾雜糠粃不得拋颺司農寺丞簿輪日分巡諸倉
仍聽戶部官不時下唐點檢從之先是中書門下言郡諸路監司州軍選差管
押殘物米斛綱運人指揮雖已詳備竊慮引用不一而所差孔目與級難以責
任詔除孔目職級與押並無官土豪土著不許差押外今後監司守令起發綱
運須管任責照前後指揮依公選委綱解內分明聲說元差監司守令職位姓
名如有失陷戶部具元差官取旨施行仍令本部檢坐條旨同敕令所立法十

淳熙下補
入水運

一月九日南郊赦諸路州軍起發金銀物帛綱運內有邑額低次之類估剝虧
官錢數行下補發訪聞州縣監勒干繫等人及元賣鋪戶均攤竊慮貧乏之人
不能償納可將乾道六年赦前未追數目如委是無可填納並與除放淳熙十
六年閏五月三日臣僚言浙西諸州起發米運已罷去官綱盡虛有案累稍工
客船裝載以革兵稍盜羅之弊其水脚錢即時支給內留三分候交納足日盡
數支還船戶毋得結付押綱官或減剋作弊令本路漕臣常切覺察從之十九
日詔今後浙西州縣輒敢違戾差撥兵稍裝運上供米料許從農寺及漕司覺
察聞奏當職官以違制論人吏次配逐州元撥官船令漕司日下盡數拘收兵
稍撥歸元來軍分其過犯已經照刺者押送元配州軍收管六月二十三日詔
今後起發上供綱運令裝絕之日須管離岸督責巡尉催發出界轉牒前路連
接催趕各批出入界時日於曆其在催綱官地分之內貸盜販易者任滿減磨
勘更不推賞或受起綱人情錢者依受乞所盜財物法論以臣僚言戶部近具
建昌軍陸規等押官錢八綱有經四年不到者見下江西漕憲司追究內柴良
臣一綱一萬七千餘貫離岸經四十四日始行又越二百餘日方到池州本軍
與沿路生視略不催發乞申嚴催綱條法故有是命紹熙元年十二月六日廣
南市舶提舉江棹言本司起發香藥綱運其額押之人多無願籍不可倚仗究

見本路多有江浙官員在此仕宦任滿赴闕或無歸資心於其間選擇可委之人使之就押兩得利便但緣從條合留未後告教在本司質當候獲到米鈔方與結還往返歲月多不願就今乞將本官所留未後告教隨樣匣專入先次解赴左藏庫收管候本官納到綱運無欠即就庫給付有欠即候納足日結還其朱鈔交付本司隨綱兵帶回庶得肯從差委如本路及見仕官告教仍舊留本司欲候今年起發綱運之時將三兩綱乞併差文武官各一員同共管押在路互相資助從之二年十一月二十七日南郊被諸路起發金銀物帛綱運內有色額低次之類估剝虧官錢數行下補發州縣見監勒干繫等人及元賣鋪戶均攤已放至淳熙十三年可將淳熙十六年終以前見欠錢數如委無欺弊並與除放五年五月十八日至壽聖皇帝康復祀史與除放紹熙元年以前錢數同日赦諸路州軍被折欠米料已將管押人并綱梢等押下元發去處陪填可將見欠人特與放免一百碩餘數依條監理其不及一百碩者並與蠲放勘會押綱官一時違法借貸官錢收買貨物致却綱官司拘留勒令綱官稍工等填納深慮無所從出可自赦到日仰將所拘貨物先次估賣如有移用破者亦與估價出豁止據未足錢數行下元起解官司照應已降指揮補發五年五月一日詔逐路州軍發納行在并換領而等處米斛綱運拋失少欠之數可令司

農寺并逐路州軍各將見監從實契勘如每名欠二十碩以下並日下符與獨
放徙三省請也九月十四日明堂赦押綱官違法借貸官錢收買貨物致被拘
留勒同稍工等填納深慮無所從出可自赦到日仰將所拘物貨先次估賣如
有移用破毀者亦與估價出豁止據未足錢數行下元延解官司照應已降指
揮發補自後明堂郊祀故並同慶元四年十二月五日詔州郡監司選押綱官
須先次拘付身候獲足鈔給還如敢違戾致令失陷數多在許戶部司農寺在
外總領所具元差不當監司守令及綱官名銜取旨重行黜責其當行典吏
根斷均陪從司農寺卿兼知臨安府丁達之請也五年正月二十七日臣僚言
綱運之弊乞申嚴前檢法令行下江東西路日檢還差綱官專委漕臣先期刷
具逐州縣見任合差出官職位姓名置籍自上輪差不許妄作緣故辭避如實
問官方許還募仍約束諸郡不許以分文諸司官錢附帶立為定制務在必行
從之八月十六日淮西總領曹鼎言本路諸郡大軍綱運乞量地里近遠今後
解發悉要如期令部押等人明具起離月日或在路風濤之阻明於所在批鑿
行程本所置籍揭帖以為稽考每季比較歲終申取朝廷指揮以行殿最如循
習舊弊將虧欠最多處重行責罰其解發不致死慢或先期了辦者優加賞賞
從之九月二十四日詔目今如有使用官綱之人即具姓名及所欠數目聞奏

量重輕實之典憲元差官司亦坐罪押綱官補償不足勒令元來官吏均備不
以去官原免以臣僚言此官以不寄居待闕資緣請託計會管押見任人不復
差委改有是命嘉泰二年九月十四日臣僚言押綱官差待闕寄居多將在綱
錢米貿易與綱梢通同作弊或止令吏輩部押俟綱到即赴所屬保明申賞又
起發錢綱係錢會中半綱官輒移錢抵償買賣會收水脚糜費入已已令諸路轉
運司行下諸州籍定見任官職位姓名輪差管押不得差待闕寄官并本州指
使從之三年三月二十七日臣僚言司農寺支道急闕常是申時朝廷借撥而
浙西江東等州綱運率多淹延指期而至綱官與本寺逐倉人相通偷竊夾雜
乞差都司戶部官各一人同司農寺官抽索十照稽考更張繼今綱運令本州
選差可倚仗人管押計遠近立限不得留滯以防前弊從之差惟戶部侍郎王
道右司郎中趙五月十八日前知崇慶府林會言下閩廣船司每歲部押綱
運不得用雜流及小小武弁須通差文武見任及待闕有顧藉者仰船司籍定
姓名不許私相轉售發綱日嚴立程限預申省部照府庶免稽滯如違船臣連
坐從之吏契朝野雜記四年判部員外郎劉廷提舉江東常平公事坐職免
去石湖廣總領吳時中省云建公本行綱運甚多請留之打等迷兩行已近鄂
者朝旨下時移徵還之此亦頃所未有建成都人淳熙七年初改京秩以試

中大法趙丞相用為大理評事蜀人鄒之鄉會斥不與來兩月點知雲安縣通判施州於州崇慶府慶元不知廣安軍用李銳事也合乘起廢以此得召起廢羅述亦生點議者頗指銳事為言云方銳之故也述先籍其家得法書名畫珍寶之物甚眾其後制司始遣官盡拘其所有史因為姦德遂沒不少計其猶直二百萬給焉開禧三年十一月二十八日用皇太子赦文應管押綱運如風水拋失合行陪納或經所屬保明委非侵盜而貧乏無可償者特與除放嘉定四年閏二月二十九日司農少卿吳玘言諸路應發綱米乞專差都副吏一人同所差官管押將水脚等錢責付勒自雇船裝載有欠止將管押都吏監納取足重則決配估籍填償從之五年十一月二十日南郊赦應管押綱運偶緣元差官司失於照應致有年六十以上或無舉主未曾到部及課利場務監官并有進納雜沍與時奏名并差別路官管押或陳乞釐革之人但所押錢物別無欠欠見礙推賞可特與放行一次八年十一年十四年明堂赦並同又故文勘會昨因諸路州軍差官部押米綱多有折欠已追降官資將欠多者勒停自今赦到日將元起綱州軍更切契勘如本非侵盜即與開會交綱去處如見得追降以後補納已足許保明中尚書省時與叙復仍免勒停其有軍守臣因差官不當致降官展磨若在今赦以前元綱所欠米斛果能補足亦仰經元交綱官司

保明申尚書省亦與叙官免展磨勘八年十一年十四年明堂赦並同又赦文
勘會諸路起發金銀物帛內有色額低次之類估剝虧官錢數行下補發州縣
見千繫等人及元賣鋪戶均攤已放至開禧三年可將嘉定三年終以前欠錢
數如委無欺弊並與除放照得州縣買納銀物帛自有色樣等則緣買納場分
合千公人受囑入納低次致行估剝訪聞比來州縣卻復驟勒民戶陪納要是
重擾所有今後未放年分及日後應千估剝之數並仰州縣止於元買納場分
合千公人名下追理不得均攤民戶如違許越訴重寔典憲仍仰轉運司常切
覺察多出文榜曉諭八年明堂將六年終除放十一年明堂將九年終除放十
四年明堂將十二年終除放六年七月一日詔福建監司遵近降全解會子指
揮不得束私買銀其所經由州縣辨認封識批會行程而後放行如或仍前作
弊致御史臺覺察其當州官吏並行坐罪時興化軍楮價頓增而本州人吏輒
將上供會子買銀至京變賣入納因而彰露臣僚以為言故有是命十二月七
日臣僚言綱運之弊至今日極矣蓋緣權姦專政請託公行起綱之初以粗易
精以偽易直綱與所差官司分受在道則盜將官物非理破用沿路雖有催綱
官司反與為市逮至交納則又廣緣囑託通倉倉庫交受至於聚廣船司綱運
姦弊尤甚今左帑積壓香貨有同柴薪雖痛裁價直無人願售此皆押綱與交

網通同作獎重為公家之需又江西等處米網折欠動五六千石皆緣官司請屬差委不考程限縱其移易而交納官司或為利啖勞聽悉置不問且在法起網合三申網解正欲開防前獎乞降指揮應監司州郡起發網運須於發日專人齎網解赴所屬投下狀內書填實日并當行都吏典級姓名其承受官司置籍拘轄併以當職官職位姓名及當行都吏典級書籍書時開報沿路監司督責催網官司嚴緊催趕批繫行程至交納時仰交納官司取索驅磨如有非理滯留三日以上具申所屬行下監司將本地分催網官吏重作施行如監司州郡避免熟不申網解從所屬委鄰路監司追本處都吏新勒其有侵盜換易網官重賞與寬元差當職官聞具職江取旨罷黜都吏典級次配並不以云官赦降原免庶幾毒獎或可少戢從之七年六月二十五日詔諸路州軍稅場每遇網運船到若果有貨物即從公收稅如止是起發錢糧仰即放行不得留滯如違許押網官經州郡監司陳訴差官覈實嚴與斷治以臣僚言網運經由稅場不問有無貨物例行拘繫牽延月日以致轉移侵漁失陷官物他日交卸虧欠徒煩監繫故有是命八年四月六日臣僚言漕轉三獎一曰謹擇主網之官竊觀今之網運却納無虧率多文臣若武列則陷失居多蓋文臣粗知廉恥右升唯利是嗜群不和之姦計橫生未易件數乞降指揮應昂錢米網運止還應

差出見任文臣如無文臣可差方許就部內選差從義東義大使臣以上薦能
之人仍詔保官兩員餘不許妄差令戶部長貳覺察有不遵守以違制坐之二
口革少受多納之弊蓋支綱之初州軍專糾規圖出剩乃弄斗斛減縮斛而勻
合初雖甚微積累不少至於卸綱交量却增添升合百端邀阻欠折既多又索
市利例合干官吏破產蕩家至有殞於非命者乞降指揮令支綱州郡以省樣
斛斛給付主綱官吏受綱官吏受綱以是而出卸綱以是而納使出納有憑虧
折可考三曰絕阻滯之源夫綱運所繫至重多是主綱官吏貪婪無耻輒將官
物移易所過州縣收買物貨販賣以圖倍称之息至有經年不到豈不有悞國
計乞降指揮仰所過州縣場務索取元支綱長引契勘所部物件其引內元無
物件並拘沒入官即時具申戶部照應不許征取稅稅錢隱漏不申如違計贓
論罪從之九年五月二十三日司農少卿趙希遠言綱運一項如納苗人戶元
有隨苗水脚錢州委通判縣委丞掌管蓋所以充起綱之用內以錢七分給船
戶攬載外以三分管押赴卸處以備填欠若無侵盜即復支還今州不屬通判
縣不屬丞而公然互用迫勒船戶攬載七分錢既不全支船戶路費多是逋過
米斛三分錢又不解到勒其陪備無所取償乞申飭州縣今後隨水脚照累降
指揮專令通判縣丞掌管不得互用其七分錢並用舊法不得稽遲庶無欠折

鴻湯監繫破蕩之患從之十一年五月二十五日戶部言左藏東西庫指定福
建市舶司道依指揮條具裝發綱運事理下項一綱運交裝之初監官不能皆
廉下逮專庫各有常例隱瞞斤兩以高為次獎犒百端朕得本司連年綱運並
於未支裝前喚上船務合千人等重立罪賞不得就綱官乞覓方差官吏監視
行人先次分色額等第伺交裝日提舉官同本司官屬公共下庫再監無干礙
行人重驗色額仍差泉州無干礙官監視以首降銅胸法物對綱官兩平秤裝
勛兩當官封角每包作封頭兩箇一條印舉官階位小書用本司銅朱印記一
條監裝官名銜印記外禮者家木並數計條截兩頭各用提舉官押字雕皮記
責付綱官下船仍差近上吏人軍負各一名防察通綱前去責限兩月到行在
所屬庫分交納今準指揮本司除已遵憲嚴行約束日後合千人或輒乞綱官
錢物將有貨以高為次定行根究決配或監裝官屬容情隱庇致因覺察得知
定中朝廷施行此項庫司今從本司所申事理常切遵守毋致廢弛務在久遠
施行一精選畏謹之人以充都押綱運照得本司近降指揮選差見任寄居大
使臣堪倚以畏謹之人近來本司起發綱運移文泉州選差見任寄居大
居大使臣少縱有負額又係歸明不厘務官委是於條有礙間差見任官又復
惟避正端日前管押綱運有冒涉餘波而依限到庫者往往不蒙推賞所以多

有不願管押之人欽令後差官部押如依程限到庫委無欺弊少欠乞與優加
推賞及防綱公吏亦從本司犒勞陞補名次此項逐庫核準慶元重修令諸綱
運以本州縣見任合差出官各籍定姓名從上輪差不許辭迴無官可差即募
官管押竊緣先來本司不與照條差募或差無籍之官致有在路故作稽違交
卸又有欠損其押綱官遂不敢乞賞今乞下船司須管照條選差可倚仗謹畏
之人如所押官物無欠損違程即與照條推賞一綱官將給之物換易變賣沿
途商販經歲滯留照得本司每遇差官押發綱運並從條聞報本司以至行在
凡所經由州縣及沿海巡尉官迭遞催趕防護出界其經由州縣與海巡尉官
司更不用心差人趕發足致逗遛作契緣本司與州縣初無統攝文牒視為具
文今乞下綱運所經由郡縣及沿海巡尉官司如綱運逗遛界分之不即差人
起發過界並許本司移文所屬郡縣根究如^有違戾申取指揮施行此項乞朝
廷行下所隸監司嚴督催綱巡尉遇有綱運到界繼時催趕防護出界及於本
綱行程分明批鑿起離時日如有違戾計從監司屬郡根究重作施行一交裝
綱運先以色樣申解戶部不許隨綱將帶以防換易本司今遵稟日後起發綱
運只發各色香樣一項前期專差人齎發赴戶部投下伺綱運到日照樣交納
更不出給隨綱香樣庶革侵欺移易之弊此項欲從本司申請日後起綱於所

發香貨連件抽取色樣封角專人先次齎赴戶部投下寄留候到庫集行衆當
官開拆封樣看驗一同即與交收一起發網運陳細色香藥物貨連陸前去不
以時月有可稽考外其蘇色物貨係產船乘載泛海直是四五月間走裝趕赴
南風順便發離庶免颶風海洋阻滯緣奉司運時遵奉省部行下催發嚴峻連
色於秋冬時月裝發致網官以阻風為詞公然拋泊灣灣遲遲作樂今準指揮
搬起蘇色物貨網運預期走裝限四月五月南風順便方趕赴風信發離及責
日限到庫分交納如有違限即乞根究住滯情弊重作施行此項乞下市船
司應有舊船到船抽收香貨將合解數目按月具申遇便起發照立定程限行
運如所押官物至交卸出邊限日將網官從條根究亦不推賞一網運至左帑
交卸牙僧看驗幫吏經由莫不歲有定價幾類執券取價常例之需既足則交
收指日了辦今乞嚴行約束左帑合干人等今後網運到庫如有驗委無款契
即交秤給鈔不許多方需索常例此項運庫照得網運到庫交卸自有元降指
揮板榜立定官等則例元在夫脚刺之費今來奉司所請網運乞指揮下日重
立罪賞嚴行約束施行奉部今勘當欲從指定列運項事理施行從之四月七
日臣僚言訪聞撫州每年受納苗米自有合收水脚等錢以備起網之費十數
年來守臣移用抑勒富民之進納者認押米網責令自備水脚間有違拒即帖

巡尉圍屋追捉如捕盜然部內進納者凡十七家若已經部押之人與免再追
猶云可也今乃籍定其人歲歲舉行吏胥賣弄一概追據有賂者脫免無力者
肩從本州每歲五綱其實止用五人部押而十七家胥受其苦豈不可念乞下
江西轉運司追當行人吏根勘逐年所取上戶情囑財物計贓定罪從條施行
仍戒約本州今後將見任輪差官押仍將上五名都吏典級每綱差一人同管
押交卸併乞下諸路漕司考勅所部如有違戾去處亦仰一體施行從之

嘉定十四年九月十日明堂赦文諸路州軍折欠米料已將管押人并綱梢等押下原發去處陪填其間有妄非侵盜者可將見次人特與放免一百石餘依條監理其不及一百石者並與蠲放及起發行在米料綱梢等人因有折欠數百一押下元起綱州軍填納監繫日以截自嘉定十三年終有只欠二十石以下者亦蠲放同日赦文嘉定十一年至今赦前間有早陽州縣取撥椿管米斛賑濟賑糴因般剝欠不見將管押人并綱梢等監繫

陪填可令提舉司覈實委非侵盜將未足之數並與放免十五年三月二十五日臣僚言國以兵為威以食為命天下四總無非錢穀之所聚而湖廣提所實餉京襄萬靈雲屯散放特哺每歲改撥綱運或襄陽或鄧州或均州或光州四處以交卸米多自湖南撥運穀多自江西撥運其水路之艱險腳錢之不敷以至綱運之欠折雖綱官有顧藉者亦有所不能免蓋是時軍息之時重兵屯于武昌綱運改撥于京襄者有限若湖南江西之江綱多是指鄧州交卸而已比年殘虐假息于汴本朝宿兵于邊舳艫蔽江殆無虛日勢使然也然而所給腳錢比之平日曾微加益姑以銜鄧言之只是計鄧州水程以支腳錢除三分之外例支銅錢交子若使止卸于鄧尚可盤費無甚折閱今則才至鄧者多即改撥自總所計水程至京襄者所給腳錢不過支湖廣會子而已以今市立論之二貫七百湖廣會僅可換銅交子一貫行使其折閱大槩可知每綱至鄧而開當改撥者莫不張皇失措以為必至於狼狽而莫能即歸矣豈不可念耶又況漢江自岷家倉浪以至于大別水勢湍激自漢口所流至鄧州猶鮮灘磧自鄧州襄陽以上則有所謂三十六灘之虞綱運至此必須小舟數百般載謂之盤灘所流牽舟率用百丈以竹為之舟至襄陽者自漢江以竹而造至鄧州以換其往均州及光化者至襄陽後一換謂之換竹逐綱至鄧改撥入襄陽者自

施工以迄萬工必更用識水程者爲之顧直不廉倍有所費脚錢既不敷不過取辦於官米綱官明知船戶盜糶而勢不容載亦付之無可奈何及到倉交卸而官米之存者僅及其半倉官才吏或復誅求又不過仰給於見到倉之米異時監納之際縱使禁繫箠楚情重不過一點而已此何益耶觀其所由皆原於改撥脚錢不敷有以致之乞下湖南江西諸州於未發綱運之前預定改撥之地以爲某綱當卸于此州某綱當卸于彼州無使至總所而後改撥所有合支脚錢且令本所先支一半至鄂州再支一半庶幾以漸支使不至泛用以耗脚錢詔從之仍令淮東西湖廣三總所各開具諸軍逐年綱運起發并改撥去處申尚書省既而湖廣總領所言本所契勘每年承准朝省料定江西湖南上供綱米應別本所諸屯大軍支遣除江西實發米四萬五千二百石赴江州軍前卸納外有湖南一路合發米四十七萬五千二百餘石各有料定卸納軍前其水脚雇費諸州亦以料定軍前地頭為準紐計合用已作案名隨舊收錢文給其奉平時未見綱運艱苦獨比年軍馬分屯沿邊調度廣募藉糈漢之水以通糧道本所隨時措置盡付湖南綱運米料不拘元料定額改撥邊頭支卸應別支遣所有改撥襄陽均州光化之糧自鄂州至交卸之地一功水脚之費全係本所抱認從前止支湖會而夫米亦止折支價錢且如襄江自鄂而上灘濇

甚多網船至鄂必須換易小舢舨剝委是時艤費用尤重遂將合支改撥米綱水腳錢以十分為率到鄂州先支七分內改支三分行至文子比之時價每貫已多一貫七百湖會條支四分會更有三分錢則稽留以留其到襄陽等處却以交會各半支給至於夫米並支本色比之舊來折價所聞每石暗有六升之增由是諸綱得此優潤不復以改撥為難而侵欠之弊亦覺鮮少今詳臣條奏請行下湖南江西諸州於未發運之前預定改撥之地所有合支腳錢且令本州先支一半誠革弊之良策然自非利害不敢不以實聞切緣糧道之運全藉襄江之水而水生水落則有時節之異儻使江湖網運春夏盡到鄂州越此漢水汎漲所原而上達之均襄無有阻滯則公私俱可省力設或秋冬方到鄂渚則水落不出為害誠不免如臣條之所言者當未軍興前湖南所起科定襄陽網米不過十五萬石自軍興以後軍馬分屯沿邊用度益夥所起襄陽并移撥均州先化糧綱以今計之一歲趨發六七十萬石是以本所每年春夏之間諸州起列上供米及和糴米綱不問元科去歲即越水漲改撥襄陽諸處軍前至秋冬水涸却令續到之綱就近交卸以補春夏改撥之數權時施宜似得其當若必欲預定改撥亦恐未易遽行蓋屯駐之處不因而增損之數有異又且有倉猝應辦之所皆是臨時就近改撥實難預料况江湖州軍豈不知改撥所涼

之惠亦合趁此水泛及時裝發可也且諸郡受納米苗在省限內已及起綱之數今乃裝發或裂每致愆期以是其弊不專在於本所之改撥而實在乎州軍不急於裝發也敕乞詳酌所申速下湖南潭衡州將已科定正起襄陽米綱催促支裝趁水起發限在半年春末夏初定列鄂州次第起發前赴襄陽下卸所有潭衡兩州并永道全州科定合發到庫軍前米綱亦乞下各州催促裝發照定限到來切待本所斟酌違頭合用米斛多寡闕以去處政去處行所用一切貼支水脚交會夫米本所並與抱認支給仍乞下江西湖南州軍今後不許差募指使及無產業人管押綱運須管差見任或待闕有材幹文臣及家力素厚進納官部押如今後諸郡仍前差募武弁無賴之人以致欠折乞將起綱官司議罰施行從之

宋會要

東道

三門白波
而領之一條
與職官複

綱運設官 三門白波發運司有催促業綱二人以京朝官三班充河陰至陝

州自京至汴口催綱各一人並以三班以上充廣濟河都大催綱一人以京朝

官充後改為華運司許汝石塘河催綱二人以京朝官三班充御河催綱一人

以三班充提轄官二人以安利永靜二軍知軍兼充御河催綱縣汴河至泗

州至綱三人以三班或內侍充皆分地而領之蔡河撥發一人以朝臣或三班

充又江南兩浙荆湖皆以三班為撥發諸州又有監裝卸斛斛一人或二人以

京朝官三班幕職州縣官充又有三門白波都大提舉華運都大提舉一人同

提舉二人河陰一人三門一人並以朝官充掌轄三門河陰汾洛人般以備華

運之事勾押押司勾計知印各一人前後行一十一人舊有三門白波黃渭河

水路發運使一人判官一人慶曆三年罷發運使其發運使事分隸陝西京西

兩路轉運使獨存三門發運判官員以白波發運判官兼知西京河清縣事而

添置河陰發運判官兼知孟州河陰縣事八年復置嘉祐五年廢以東西轉運

使都大提舉權從綱運於白波創立權綱司以朝臣一員兼領其事是年改為

都大提舉公事廣濟河專一管勾催綱官一人以京朝官充皇祐五年罷以曹

州通判兼管廣濟河華運司嘉祐四年復置以朝官充許汝石塘河催綱官二

人以京朝官三班使臣充 皇祐五年罷以鄆城知縣兼管嘉祐四年復置以朝
官一人充黃御等河催綱官一人以三班使臣充廣德三年廢至和二年復以
朝官充提轄官一人以永靜知軍兼充 蔡河撥發官一人以三班使臣充 皇祐五年罷
年復以永靜知軍依舊兼充 初二年以潁州通判兼管勾蔡河撥發治平復置以朝官一人充河陰至陝州
目東至汴口催綱官一人並以夾河巡檢武臣兼管諸州監裝卸料官一人或二人並以逐州
以汧汴提賊巡檢監押武臣兼管諸州監裝卸料官一人或二人並以逐州
知縣及監糧料院文臣兼 真宗大中祥符四年八月詔置廣濟河催綱朝臣
是職舊命常參官兼着去止用使臣而州郡皆不承稟改復之 八年七月
詔三班院自今諸河催綱巡檢並選曾經監押巡檢殿直幹事者充 初三班
侍禁李世隆為蔡河撥發兼巡檢提賊真宗曰世隆年方二十五未經歷又上
封者屢言催綱提賊多差權勢子弟故條約之 九年五月十五日詔河汴廣
濟石塘河催綱巡河京朝官使臣自今每歲許一次入奏三門白波發運使判
官每歲許二人更番入奏 仁宗天聖三年正月三司言廣濟河催綱太子中
舍成壁到任二年催綱料斛五十六萬二千六百餘石比前界甚有出剩乞降
敕書獎諭從之 七年六月詔輦運司年終照檢緣廣濟河并夾黃河縣分令

佐裁糧榆柳 八年正月詔今後廣濟河粮綱如一年內鄆州淮陽軍三運并

曹州廣濟軍濟州五運至京交納無欠令華運司磨勘綱梢違賞 慶曆四年

三月省廣濟河催綱朝臣一官 五年二月十三日以供奉官劉孝孫充淮南
撥發從發運使方皆保請也 皇祐五年十月十八日詔諸路所舉文武臣僚

充催綱撥發者並依從減罷今後更不差置見任官未成資者即後仕通理年
月 英宗治平三年六月詔發運司勾當公事傅承兼催發監綱 神宗熙寧

元年七月二十五日詔虞部郎中知河陰縣張遵虞部員外郎發運司勾當公
事傅永並專切催遣自京所撥赴河北粮綱 三年四月十七日命食書鎮東

軍節度判官廳公事張次山權發遣廣濟河都大華運司公事尋以職方郎中
向中索道代之 初蔣次山提舉常平倉事兼就至是提舉華運開宰相公亮

等言次山可用翌日詔次山有叙通淺可再取旨故有是詔八月二十六日詔
蔡河撥發提岸糾門公事等今後並隸都大制置發運司提舉管轄 四年九

月二十三日以職方郎中李孝孫為三門白波都大提舉華運公事 元豐二
年五月二十九日詔廣濟河都大催遣華運官與本部通判以上序官在提點

刑獄下七月十九日知鄆水監丞范子淵請移河陰華運司於行慶閣兼主管
洛口從之 四年九月二十九日上批開三司昨雇百姓車戶大車輦綱赴鄆

延路饒及牛道其挽車人已盡逃散令官物並拋棄野次逐縣科差保甲其擾
費人力未知何人處畫如此率方可取索進呈三司言起發應副郡延慶涇原
三路經畧司絹十七萬五千匹市易司起發十五萬五千疋用羸馬百二十四
頭及官船水運至西京乃用步乘應副河東衣賜絹十萬匹赴澤州及絀二萬
疋用羸馬百八十三頭小車五十兩并索馳般狀狀又三萬匹用步乘應副延
州銀十五萬兩鹽鈔五萬席用羸馬九十八頭絹十五萬匹為五綱一綱用索
馳四綱用小車二百一十兩應副河東郡延環慶涇原熙河秦鳳路絹絀總百
萬匹用小車為三十綱並不用官私大車輦載詔三司選差幹當公事官一員
緣路點檢催促其津般車方處根究以聞 五年二月十一日罷廣濟河輦運
司及京北排岸司移上供物於淮陽軍界計置入汴以清河輦運司為名差朝
奉郎張士登都大提舉 先是京東路轉運司言廣濟河用無源改水常置堤
以通漕歲上供六十二萬石間一歲旱底著不行欲移人般船於淮陽軍界上
吳鎮下清河及南京穀熟寧陵會亭臨汴水共為倉三百楹從本司計置七十
萬石上供置輦運司轉轉運司歲減船三百五十兵工二千七百綱官典三十
三使臣十一萬錢八萬二千緡下提點刑獄司按實以為如轉運司言京北排
岸司沽廣濟河置故并罷之 六年九月四日三門白波提舉輦運司乞借本

司所轄阜財監上供錢萬緡運官於鄴州市木於奉司造船塲造六百料運船
下陝西轉運司依數撥還從之 哲宗元祐元年十一月十五日詔都大提舉
清河軍運司依舊以廣濟河記 管勾催運軍運司為名 十二月二十二日
詔廣濟河催運軍運提舉三門白波軍運蔡河撥發並以三十月為任 二年
正月二十五日左諫議大夫兼權給事中鮮于侁言蔡河撥發催綱司督京西
淮南糧運以供畿內牛歲不能周一運請令催綱司統按縣道立賞罰使人自
為功從之 紹聖元年九月七日戶部言發運司狀每年上供額斛及府界南
京軍糧動以萬計止管汴河一百七十餘綱須裝卸行運之速乃能辦集其汴
網在京等處卸糧多有欠欠綱分依朝旨並批撥下裝發處折會結絕而從來
未有立定日限備償明文欲並依京東排岸司一司式立限備償若裝發處不
便結絕自依元祐八年秋頒敕條斷罪從之 元符元年四月二十三日戶部
言發運司奏歲額帳狀乞限次年九月終撥發軍運司限六月終從之二年二
月六日吏部言發運司使張商英奏乞罷真楊楚泗州監倉門糾西官四員置
巡轄綱運官四員從之 三年二月二十四日刑部言荆湖北路提點刑獄司
申檢準治平二年三司使韓絳等奏使臣管押汴河糧綱若於綱運內有過犯
並委三司發運司取勘罰贖又準元祐七年敕小使臣在官屬犯公罪杖以下

並本州新罰其應斷罰而所犯情輕者申提點刑獄司委檢法官看詳又準紹興五年敕諸押綱小使臣犯笞罪批上行程至却納處排岸司照檢在外就近送轉運或發運軍運撥發司施行今看詳治平朝旨係專言渭汭河綱使臣即不言諸路押綱使臣有相合依是何條令尋送大理寺參詳今據本寺狀治平朝旨既係一司專條外諸路押綱使臣雖依紹聖五年敕令排岸司照檢送轉司行遣如所犯情輕者除發運司合依本司專條勘罰外其轉運軍運撥發司即亦合閱報提點刑獄司依條看詳當否施行從之徽宗建中靖國元年七月十七日戶部狀準都省批送下發運司契勘諸路合起上供錢帛斛斛內年額錢依條分作兩限封樁起發及細絹物帛並限歲終起發如起發違限并不足許發運司牒鄰路提刑司取勘今相度諸路合起年額上供兩限起發上供七月終下限歲終真揚州岸司批照起發月日申發運司并上供錢及六路轉運司年額斛斛須管依元條限次逐限內備起了足如違并不足並從本司申高書戶部下本路提點刑獄司先行取勘轉運司人吏所有合干官員即依元條施行從之崇寧三年八月十三日江淮荆浙等路發運司奏契勘本司從轄東南諸路內兩浙路每年合起上供歲計糧斛錢帛萬數浩瀚比之其它路分數目最多及有福建路合起上供錢帛綱運不必盡皆經由兩浙團發從來

未有專置催轄綱運官數內自江州至荆岳一負所歷路分州軍不多今相度
欲將江州至荆岳州催轄綱運官一員移於兩浙自潤州至衢州以來催轄綱
運於蘇州安置廨宇所有應緣諸般約束事件並依催轄綱運官已得指揮施
行從之 政和三年三月四日尚書省言訪聞東南諸路綱運往往沿沅州縣
注泊蓋緣閩人牽轉多被合千人等盜賣或致散失有妨都下指擬使用詔令
沿沅州指揮逐地分縣令佐及催綱官司巡尉補盜等官遇有綱棧輪船一負
躬親前來巡防照管出界通相交割立便趕赴前來如夫閩人兵牽轉即仰所
屬官司那差廂軍或不足仰於本地分清河內差刷相應應副又不足即一面
支轉運司錢和雇人夫牽拽訖申知本司不管又有住滯仍仰逐地分官司曉
候趕赴訖申常書省 八日中書省尚書省檢會政和二年十二月十三日敕
令後應押棧使臣殿侍軍大將等如押竹木綱棧送納別無欠欠雖有不敷元
來程寸如有綱解大印照驗分明係是元起官物別無欺弊仰所屬一面取會
元發本官司認狀外其管押人聽先吹依法推賞如會到別有違碍欺弊不該
推賞即行改正依條施行勘會降上件指揮日前亦有似此之人理合一體詔
並依政和二年十一月十三日朝旨施行 七月十二日尚書省言淮南路轉
運司提轄催提直連綱運宋子雍狀近點檢得本路州軍裝發地頭妄破諸般

緣故至有住滯等欲望特賜重行立法今修下條諸綱運裝卸無故違限過五日者附載官物裝卸違限同一日答三十二日加一等不過杖一百三日加一等罪至徒二年事由裝卸官司本綱不坐事由本綱裝卸官司準此仍各以所由為首如雇私船運官物而裝卸違限並準此內事由本船者止坐船主違限請過口食干繫人均備從之九月十三日兩浙轉運司奏本路歲發上供額斛萬數浩瀚奉旨直達都城唯藉綱運起限裝發了辦歲計緣本路所管綱船並是三百料與他路大料綱船不同除許附載私物外裝發米數不多近朝旨許加一分力升通舊二分附載私物今乞依政和令許二分附載私物情願將逐船所剩力升如無私物攬載即加裝斛斛每二十石添破一夫所得雇夫錢米不唯優恤兵稍實於官物不致侵盜亦使愛惜舟船委得利便今來所乞二分附載私物每船一隻裝米二百四十石外有六十石力外若願加裝米斛每二十石添破一夫每船增三夫以酌中平江府至都城地理約度共添得雇夫錢工費五百文米二石二斛即與附搭客人行貨所得錢數不致相遠所貴綱稍愛惜官物舟船從之五年七月九日祠部員外郎胡獻可奏士人管押綱運若不立定理界年限輕重等第更互交押委是勞逸不均今相度欲乞應募士人路分綱運東名輕重及理界年分并理運數並依自來都官差副尉條

法施行候界滿日令更互管押從之 宣和二年八月十六日中書省言勘會
東南糧綱為拋失欠數多近已奉御筆措置罷募土人改差使臣等管押及
令經由拖欠路分任責令有合申明事件下項一六路召募土人法罷其兩河
糧綱所募土人亦合並罷遵依已降指揮施行一六路罷募土人糧綱并年滿
事故等閑轉運司已降指揮出關召人指射如遇兩月無人指射或雖有人指
射不應差注者即具關報發運司以上差訖除具職位姓名申尚書省外仍
申所屬曹部出給付身或發運司過一月無應入人指射即申吏部又過一月
猶無應入人即關都官差注其資次並依已降指揮一兩河土人糧綱并年滿
事故等閑輦運不發司出關召人指射差訖除具職位姓名申尚書省外仍申
所屬曹部出給付身過三月無人指射不應差注者即具關申吏部又過一月
無應入人即關都官差注其資次並依六路已降指揮一管押人雖已有副尉
指射若定差未了關却有校尉以上人願就者自合先差校尉等一今來所罷
土人候差到入交割訖發遣歸都官別承差使即不得再押糧綱一六路拖欠
斛斛除合依已降指揮令經由拖欠路分轉運司任責次年依上供條限補發
外其六路每年隨正額合起酌中補欠數目自合依舊起發候次年經由拖欠
路分補發到京如實補發到數目過於本路隨正額合起酌中補欠之數即將

判諸除一兩河拋欠斛斛其經由路分仕責補欠置籍等亦合依東西直達綱已降指揮施行內拋欠斛斛並令地分官司京東輦運司蔡河撥發司置籍一經由京畿地分如有拋欠緣京畿別無上供斛斛自合據合補數目於外路起刻應到本路綱內依數改撥補發上京一提轄文臣已立拋欠分釐責罰其檢察武臣亦合依此一土人如為已有替罷指揮輒敢作過衛盜糧斛折費舟船仰所在官司常切覺察具違犯申尚書省法外重行斷遣從之 五年五月十五日詔令呂誥胡直孺東南六路轉運輦運撥發司官限指揮到據未起斛斛數日躬親嚴緊催督須管日近擁併相繼起發到京其已起在路數目亦仰催促沿途經由州縣及催綱等官司吏行遞相趕發無程前來尚敢違慢以違御筆論 六月二十五日發運使副呂誥陳亨伯奏準尚書省劉子權知宿州林虎奏發運司利害及管見十事劉付臣等照會數內第二十二項自行直達每路並差提轄官一員今來復行轉般所有湖南湖北江南東西四路提舉官合與不合減罷取自朝廷指揮倉部勘會東南六路提轄官昨緣直達朝廷降指揮差置今來雖江湖四路復行轉般其逐路有合發斛斛萬數浩瀚并係在京指擬支遣數目見不裝發綱運直達上京唯藉提轄官往來檢察催督今勘會江湖四路提轄官候發運司有收糴到或可代發斛斛奉行轉般日即行寢罷

本部勘會諸路提轄綱運官准浙各兩員江湖四路各上一員依法自本路至國門往來催促綱運檢察違滯近發運呂涑陳亨伯措置轉般盡一內一項申明江湖四路提轄官祿直達差置合與不合減罷已承指揮候發運司有收糶列或可代發斛斛奏行轉般日寢罷及發運司勾當公事官陳亨伯稱係諸般差委及間有朝旨令分委勾當今來林虎所乞每歲分輪提轄官於界首取索驅磨行程及乞每歲輪差發運司勾當公事官於拱州取索行程驅磨事理即有礙元條及妨閤勾當委是難行外其陳亨伯乞今後提轄官並依法自本路至國門往來催促綱運發運司常切檢察如每歲不見往來經由真楊楚泗致綱運於本路及他路往滯備查數多聽發運司於所部選承務郎以上清雜官對移或乞令具事理申尚書省差官替罷事理施行並從之 九月五日戶部奏荆湖南北路剗刷大禮錢帛趙庫申勘會荆湖南北路諸州軍起發上供錢物有時零數失去處依條般往近便及泐沅去廣州軍國併成綱起發上京限日轉發違限杖一百今國併州軍承也載起到錢物如不依限交收轉發欲望立法約束及許管押人趙訴戶部看詳欲依趙庫所乞如他州或別路起到錢物限次日交收仍乞立法施行諸路準此從之 七年三月二十日江南西路轉運判官高述奏本路宣和七年合起發上供額米一百二十萬八千九百石

依近降御筆處分般至淮南下卸依條分三限內第一限二月計四十萬二千九百七十石本司據諸州縣計置起發今據申已發過四十一萬九千六百十一石九斗八升前去淮南下卸內已充足第限合發米數外又據發過第二限米一萬六千六百四十一石九斗八升已具綱名細數申尚書省去訖詔高述頃以事罷漕司旋命復職今能脩舉漕計今春上供四十餘萬石已足上限雖運下限亦已起發奉法脩職可特除直祕閣以勸諸路奉公之吏 四月十三日應奉司奏勘會兩浙路所管本司應奉綱船差破兵梢不少除裝發行運外其檢計修船擺泊守凍同候裝發不行運月日甚多坐費糧食合行措置今相度欲兩浙路本司綱船每船存留梢工棹手各一名每綱留節級綱團軍與木匠各一名除船料例候裝綱日支錢雇夫下水依糧綱人數除留入外據關貼雇合用雇夫錢米並要委本路應奉官相度措置應副所有抵替下人兵逐旋發歸所屬別奉差使其上下水雇夫錢支付管押人掌管節次支散候回本路今應奉官取索驅磨如無侵欺及無綱運稽滯除任滿推賞外每任更換減磨勘二年伏乞特降睿旨施行從之二十五日講議司奏契勘諸州軍起發上供綱運已準宣和四年九月二十五日敕經過並時遞相閱報檢察催趕出界如容縱或失於檢察至有侵盜貿易者其所犯地分官司仰戶部量事輕重按劾

施行外其餘起發上京錢物未有約束欲今後諸路應發上京錢物綱運並依
前項指揮如違並令所至州軍挾効施行從之

全唐文

宋會要 漕運六

綱運全格

捕亡令 諸江淮黃河內盜賊煙大樵貨及拋失綱運兩岸節盜官同管其繫岸船棧隨地分認 賞格 命官 捕盜官 謂賊應惟綱者能檢察綱運兵稍不犯故沈溺舟船或有故而收救官物別無失陷者任滿減磨勘一年 檢官能覺察綱運妄稱被水大盜賊損失官物欺隱入己者先試 諸色人 獲故沈溺綱船及有人居止船雖未沈溺每隻錢五十貫因侵盜官物者一伯貫江河深險處收救得沈溺船所失官物准給價三分 收救得漏失官船每隻准價不及一伯貫 諸河空船錢五貫重船錢一十貫 江淮黃河空船錢一十貫重船錢二十貫 一伯貫以上 諸河給一分 江淮黃河給二分 雜勅 乾道八年五月二十三日尚書省批狀綱運經由地分遇風水拋失運依見行條法仍申所屬州縣州委幕職官縣委丞佐即時躬親前去拋失地分聽實保明再批行程結單申州備申司農寺外路申總領所候本綱到下部處即依條施行如違後本路轉運司道當行人吏新運官申取朝廷指揮施行 欺弊 盜賊勅 諸傳易羅買綱運官物 官船車馬衣履器具及器具用同條綱運條法官物者准此 計已分依貿易官物法計利以監輪加二等 牙稅引領

人與同罪計人告

強者計利併贓以強盜論以上再犯不該配者鄰州編管罪

至死者減一等皆配二千里二十貫為首者絞殺傷人者依本殺傷法以上運

載船車畜產沒官和指借皆者准此被誘之人不速告隨近官司者杖六十因

被誘而受贓者以凡盜論諸以私錢貿易綱運所盤錢監上供錢者許人捕

諸錢綱押綱人部綱兵級本船稍工同以私錢貿易所運錢雖應計其等依監

主自盜法罪至死者減一等配千里本船軍人及和雇人犯者亦以盜所運官

物論難初諸押綱人部綱兵級稍工失覺察盜易欺隱本綱及本船官物

事雖已發而能自獲犯人者除其罪二人以上同犯但獲一名亦量諸綱兵

級和雇人同博易本船官物罪至徒杖罪兩大同地分催綱排岸巡檢縣尉司

干繫人失覺察者杖一伯命官減二等三十日內能獲犯人者不坐二人以上

獲一名亦准此諸路年額及上供糧綱兵級和雇人同若博易雜買之者其所

犯并破賊地分催綱排岸巡檢縣尉及捕盜人村保地分額頭同故縱者減犯

人罪一等受贓重者亦從重諸差雇運送官物而收貯他物欲拌和者以收貯

物數計所欺拌和官物價准盜論許人捕已拌和者入水及以違堵屬綱拌和

者同下條准此計虧官價依主守自盜法至死者減一等配二千里以上贓輕

者杖一百諸不覺本綱人以他物拌和所運官物者部綱兵級杖七十計所

虧官價一分杖八十一分加一等罪止杖一百押綱人減部綱兵級罪二等部

綱兵級及五分或一年內兩犯至罪止者降一資長行犯部綱兵者（便務先別

何帝駕諸監糧綱封印有損動者梢工杖八十篙手減一等詐偽報諸偽

逆封綱船堵面印論如餘印律已行用者不刺面配本城兵級配鄰州計人告

職制令諸巡捕官獲綱運押和官物所屬監司歲終比較其最多最少之

人最少謂地分內透漏及犯者數多而獲到數少者每路各二員以聞聲運

令諸博易羅買綱運官物并以他物押和所運官物應于條制州縣於裝卸

及沿流要會處於壁曉示歲一舉行諸年額及上供糧綱轉運提照刑獄司

賞功督責捕盜官等警捕博易羅買之人其應于罪賞條制仍歲首檢舉於裝

卸及沿流要會處於壁曉示賞令諸六路并汴河綱運所經州縣以發運司

息錢搭管如無息錢州縣先及官錢具數報本司核還過獲博易羅買者羅買

綱運官物者以搭管錢當日支賞搭管錢已欠不及五分即申發運司結文仍

置籍於犯人及停藏負載人違理若不足於犯人鄰保及本綱保內均備又不

呈于地分及本綱于繫人尚不足者以犯人役官船車畜產估價納逐旋銷注

諸備賞應以犯人財產充而無或不足者差在運送官物而收貯他物欲押

和所運官物及已押和者責部綱兵級押綱人均備聲運格六路并汴河

綱運徑過州縣橋管發運司息錢充博易糴買糴賣綱運官物賞錢數州三百貫縣二百貫賞格 諸色人 獲結集徒黨強博易糴買綱運官物者仍以其財產徒罪給三分流罪給五分死罪全給 獲以私錢貿易綱運所報錢監上供錢者錢三百貫 獲博易糴買若糴賣六路并汴蔡河綱運官物錢五百貫 贖及一貫者給一十貫每貫加五貫至一百貫止 獲差雇運送官物而收貯他物欲拌和及已拌和者錢三十貫 已拌和計虧官用一十貫外每貫仍加五百文至一百貫止虧及二十貫者仍辦一貫 告獲偽造封綱船堵面印錢三十貫 廐庫 乾道六年十二月二日 勅起發上供綱運并諸司錢物並合用錢會中半訪聞在外州縣會子或有損折其押綱官却將合發見錢贏落水將盡買會子前來臨安府私充見錢送納反復贏落厚利是致會子不復流轉自今起綱仰於綱解內分明開具所發錢會數目押綱保官狀內仍聲說如所保官有前項移易甘伏同罪所押官并隨綱合干萬稍等仍前通同作弊許諸色人經所在州縣陳告其告人每一千貫支賞錢一百貫文犯入計所移易數以監臨自監賊論若合干萬稍等能自首與免罪亦支給上件賞錢今來會子務要流通如不畏公法之人妄有扇搖許諸色人指證着實陳並科違制之罪不以官蔭赦降原減 盜賊勅 諸盜盜得財杖

六十四伯文杖七十四百文加一等二貫徒一年二貫加一等過徒三年三貫
加一等二十貫配本州 諸務盜得財後三年二貫五百文流三千里二貫五
伯文加一等拾貫絞即罪至流皆配千里 諸盜臨主守自盜及盜所監臨財
物罪至流配本州謂非除死者三十五匹絞其運送官錢而自貸罪至流應配
本城至死者奏裁 諸稍工盜本船所運官物者依主守法徒罪勒克辜寫流
罪配五百里本船軍人及和雇人盜者減一等流罪軍人配本州和雇人不刺
面配本城 輦運令 諸盜糧綱裝訖梁上置鎖伏封鎖徧用省印押綱人點
檢若封印損動即時報隨處催綱巡捕官同限當日同押綱人開視訖以隨處
官印封鎖批書本綱照驗 盜貨 盜賊勒 諸稍工盜本船所運官物者
依主守法徒罪勒克辜寫流罪配五百里本船軍人及和雇人盜者減一等流
罪軍人配本州和雇人不刺面配本城同係人受賊及已分重於知情者以盜
論非同係和而不糾及受賊者各減同係人罪一等受賊滿二十貫者鄰州編
管 諸於管押官物或受雇主業承領官物人名下私攬運送而盜貨者依主
守法減一等依轉受雇運送而犯者亦準此 諸巡防守禦人於本地分犯盜
者以盜所監臨財物論其監官物者依主守法罪至死減一等配千里竹木棧
園頭水手大下盜本棧官物稍工盜本船釘板船具者准此 諸運送官錢而

自貨罪至流應配者配本城至死者奏裁即受在立案承領官物而運載者同主守法 諸盜官船釘板船具者加凡盜一等 雜初 諸綱運不覺盜所運官物稍工依主守不覺盜律罪輕者減盜重者罪五等 雜持杖亦從不持杖當盜時徒罪勒充本綱率駕部綱兵級減稍工一等其不覺本綱人盜所運官物部綱兵級罪至杖一百差替仍勒充重役三年即故擬罪至死者減一等配千里 諸押綱人部綱兵級不覺本綱人盜所運官物稍工不覺本綱人盜所運官物同雖自覺舉至下卸畢犯人猶不獲不得原罪若本綱及本船更有欠即以被盜物併為欠數科之仍不倍 併不加重止利不覺罪獲盜應免罪者所盜物不理為欠 諸押綱部綱兵級稍工失覺察盜易欺隱本綱及本船官物事雖已發而能自獲犯人者除其罪二人以上同犯但獲一名亦是 諸綱兵級和在人同盜本船官物罪至徒杖罪兩大同 地分催綱排岸巡檢縣尉司千繫人失覺察者杖一伯命官減二等 三十日內能獲犯人者不坐二人以上獲一名亦准此 諸路年額及上供糧綱兵級和在人同盜所運官物者其所犯并破賊地分催綱排岸巡檢縣尉及捕盜人村保地分捕頭因故獲者減犯人罪一等 受賊重者自往重 諸香薰並市船司物貨綱緣路侵盜或貨易而地分人若催綱官司失覺者杖六十 廩庫勒 諸赴發

上京錢物管押人侵盜移易入己者不以自首原免 職制令 諸處捕獲綱

運偷盜官物所屬監司歲終比較其最多最少之人 最少者罰地分內透所及犯

者數多而幾到赦少者 每路各二員以聞 理欠令 謂糧綱犯自盜案首其

所盜官物並理為大數至罪正應配者配如法 準運令 諸年額及上供糧

綱轉運提樞刑獄司常切督責捕盜官等警捕侵盜之人其應干罪賞條置仍

歲首檢舉於裝卸及沿流要會處粉壁曉示 賞格 命官催綱或捕盜官獲

綱運人盜所運官物計價累及二百五十貫充試五伯貫減磨勘一年仍陞半

年名次一千貫減磨勘三年 廩庫 紹興三年十月十八日尚書省批狀州

縣起發上京錢物管押人侵盜移易入己不以自首原免今來車駕駐蹕臨安

府自合引用上條不以自首原免斷罪 廩庫勅 諸私賁貸官物而以物質

當或有簿籍及抄領曾經官司判押者並同有文記法即倉庫簿曆及搬運夫

請文憑或私自抄上簿籍單狀之類並不為大記 諸監主以官物私自貸雖

有還意而不還或償不足者計所少之數不以教降原減 因首告賊等及任人

借王者非 名例勅 諸稱不以教降原減除緣在細事或傳習妖教託幻變

之術及故決盜決江河決堰已決外餘犯若遇非次赦或再遇大赦赦者聽從

原免 賊盜勅 諸竊盜得財杖六十四伯文杖七十四伯文杖一等二貫後

一年二貫加一等過徒三年三貫加一等二十貫配本州 諸監臨主守自盜

財物罪至流配本州 謂非除名者 三十五正統 廩庫勅 諸糧綱步欠於折

會借納外稍工計本船欠一釐管三十一釐加一等元裝千石以上船半釐加

一等並至四釐止四釐外計賊重者准盜論 若見火者估價至罪止者配鄰州

職制勅 諸押綱人及部綱兵級并未船稍工以和在人工食錢於官司行

用者減凡盜三等坐之官司受財滿五貫者徒二年不滿五貫杖一百 受財枉

法之類計贖重者自依本法 諸排岸催綱司橋堰應沿河地分公人兵級受

乞綱運人財物計贓一貫公人勒停兵級降配罪至徒公人不刺面配本城兵

級配鄰州 諸綱兵稍每三船為一保若於本綱侵盜或負載及販私

有權貨并威匿盜及逃亡兵級者犯人雖于法不許捕者亦許人捕同保和而

不糾依伍保有犯律杖罪答三十不知情各減三等部綱兵級不知情減保人

罪一等 不覺盜罪重者依本法 即同保人告獲犯人者應連坐人不覺之罪並

免 諸綱運兵級違犯押綱人杖一百刺面人違犯本轄官徒一年言者各徒

二年毆者各加二等配伍伯里情重者奏裁毆命官致折傷者當行處斬 諸

長行權充部綱兵級而本轄兵稍違犯者減階級法一等 諸綱運和雇人違

犯押綱命官杖一伯言者徒一年餘押綱人杖八十言者杖一百毆者各徒二

年即啟命官致折傷者後三年配五百里 諸網運人告押網人侵盜或糾和

官物販私有權貨謀殺人若妄破程限及干已事聽受理餘犯流以下罪雖於

法許告捕亦依事不干已法 雜勅 諸權差主駕網船人有犯依捕工法諸

平河全沈失粮船梢工後三年爲子職一等部網兵級杖六十押網人減二等

除條有部網兵級罪名而不言押網人者准此例之每收救一分各減一等

諸網船軍人歲終所至官司驅磨在網逃死及四分不滿十人一名當一分部

網兵級杖八十押網人減二等并犯者押網人展磨勘一年磨勘年限不同者

准仗日五年爲法比折展 無磨勘者准前科罪部網兵級差替勒充重役

諸押網人無故離本網 空無網非經時者杖一百雖有故而經三時者罪亦如

之各不在覺舉自首之例 諸押網人疾病網雖空而擅離者依擅去官守法

年月罪滿不候替人交割准此 諸部網兵級犯罪應降長行者若元係長行勒

充別網牽駕 諸押網人犯罪或違程拋欠應批書印紙而收匿以避批書者

杖一百 諸兵梢部網兵級憑藉事勢於官私船棧乞取財物者杖一百計贓

一貫移配五百里重役處 諸官船兵梢部網兵級於所載命官家屬同乞借

財物者杖八十差替 斷獄勅 諸募押網運官見任官差押網同因本網事

連坐部網兵級罪至降資及降充長行或於本網有犯至罪止而情理重者奏

其欠損官物非侵盜能于百日内納足者除其罪仍不理為欠折 諸差押

網使臣於本網犯罪者去官不允 諸部網兵級應勒降離會恩不允

若非 諸押網人罰俸半月應加一等者罰一月又加一等答四十其應減等准

此 諸網運兵級運在列大夫同犯答罪罰于本網運有犯者聽押網人行決

罰十下者論如前人不合極考律以故致死或因公事毆至折傷以上者並奏

裁 軍運令 諸網運指工萬手犯罪勒充本網章駕者本網不願留即送到

網仍不得主管官物 諸巡糧網網稍犯罪不可存留者押網人具事狀申轉

運或發運軍運撥發司審度差人交替若兵稍在路難費送本地外州縣施行

如商人章駕即令所在貼差 諸押網人卸納官物訖而疾病者隨網治至裝

發處申所屬官司監察差人交裝症日管押 斷獄令 諸網運兵級犯杖以

下罪未任決者批行程歷 本網已差者轉回前路等處州書有網可用者附網

裝卸官司檢斷勾銷 諸犯罪網運兵級不在令眾之限 詳訟令 諸網運

人未卸納而告押網人及本網事杖以下罪雖應受理納畢乃得追鞠 如納在

他所者錄批 諸發運司所轄網運人論折本網請給錢米事隨處轉送論所

人赴本司候網到日究治 名例勅 諸稱當行處斬者奏裁得旨依者決重

杖處死 賊盜勅 諸竊盜得財杖六十四伯文杖七十四伯文加一等二貫

徒一年二貫加一等過徒三年三貫加一等二十貫配本州 關弘勅 諸軍

廟都指揮使至長行一階一級全歸伏事之儀 雖非本然但臨時差官於事

敢有違犯者上軍當行處斬下軍及廟軍徒三年下軍配千里廟軍配五百里

即因應對舉止偶致違忤謂情非故有違犯者各減二等上軍配五百里 元罪

會降者配准山下軍及軍廟配鄰州以上禁軍應配者配本城 諸事不干已

輒論告者杖一百進狀徒二年 至今案三日 諸軍論告本轄人仍降配所告之

事各不得受理 告二事以上照理應告之事其不干已之罪仍生 諸軍告本轄

人再犯餘三犯各情重者徒二年配鄰州本城 職制勅 諸在官無故亡控

去官守土同之法 計日輕者徒二年有規避或數廢闕者加二等 名例申明

紹興六年九月二十三日尚書省劄子遇非次赦或再遇大赦既不以赦

降原減罪許行原免所有犯不以去官之罪其合原免 本所看詳上件指揮

在法不以赦降原減者遇非次赦或再遇大赦許行原免所有犯不以去官

之罪亦合原免竊慮州軍未盡曉引用差誤今編入隨勅申明照用 押綱賞

詐偽勅 諸押綱人任滿委稱該賞或再押并所屬官司知情而為保明供

申及批書印紙雖會典原免並奏裁 考課令 諸押綱人功過所屬官司即

特取行程曆印紙批案 賞令 諸廳幕官願押兩綱以上者其實以兩綱止

卷五十六

諸綱運募土著官管押應賞者依見任官法 諸命官押綱而附押別色錢物者今起綱官司先具申尚書吏戶部候發到內足逐色錢物收附方許推賞 諸管押綱運如本州不及壹金綱附押別州錢物撥發者各依所起發州軍數目地里定賞若本州已及一金綱而附押別州綱者其所押正綱應得酬賞減半 諸人因事故別差人或所押官物緣路有截留者計官物分數地里遠近比類推賞 諸押綱人雖有欠稍若非侵盜能于百日內納足者賞如法 諸應募押綱而所運之物不同者聽通計分數理賞 謂如錢帛與軍器之類 諸押綱人官物有欠而不批書或批書漏落者當運不理賞募押者雖不經裝卸處批者而勘會實者其賞聽理 諸於法不應押綱人輒受差押者不得推賞 諸押綱人應賞而無故稽程三日降一等十日不在賞限募押者十日降一等二十日不在賞限 諸押綱人毀失行程曆被人毀失同而無照聽或妄稱毀失及本綱附載未足而不於經過處批書者稽程聽賞雖有緣故應給陳日限而不曾批書亦同 各不在推賞之限 諸運綱出刺准格應給賞而係元稱買人者不在給例 賞格 命官 管押諸路綱運無少欠 謂非川峽四路者 全綱 謂見錢二萬貫以上者雖物出係此折計數下條准此 三百里五分綱五百里三分綱一千里減磨勘一年 一金綱五百里五分綱一千里三分

網一千五百里減磨勘二年 全網一千里或五分網一千五百里減磨勘三年 全網一千五百里轉一官 應募官押網無欠指者全網三百里五分網五百里三分網一千里陞一季名次 全網五百里五分網一千里三分網一千五百里陞半年名次 全網一千里或五分網一千五百里免試 全網一千五百里不拘名次指射差遣仍免試 諸色人 押網人部網兵級兵稍運銅於諸處交納若比元裝數出剩以裝發處元價共給五分 賞式 陳乞押網賞狀具官姓名右某於某年月日准某州差管押或募押某年季分案名錢物未納即云於某年月日准某州差押或募押本州某年分案名色未若干赴某處送納了當即無少欠違程除令未納外更無別處送納合行團結推賞係某獨員管押即無同共管押合該分受酬賞之人押網日即不是本州守貳本路監司子弟親戚及不係停降未叙復之官自補授至全厯任亦不曾犯贓罪及私罪銜皆並是詣實如後異同甘伏朝典所有依條合得酬賞令中繳員本行程錢道納訖錢物公據發還脚色家狀在前謹具中太府寺 未納中司度寺伏乞指揮下所屬推賞施行謹狀年月日具官姓名狀 往送候所乞賞銀山保明召募押網酬賞狀某司據某官姓名狀昨蒙某州召募管押某色物赴某處交納畢陳乞酬賞今勘會下項一某官某年月日某州召募到管押某

色物若干赴某處交納某物若干更有各物亦各開某物若干比折某物計若

干一所裝官物係全網或不及全網則去若干一某處水路或陸路至某處

計若干地呈一某年月日於某處倉庫交納畢並無欠損有即開說雖有欠損

已係條於限內送納了是一檢准令格云云右件狀如前勘會某官管押某處

某色物全網或若干分赴某處交納畢計若干地里准令格該某處酬賞保明

並是詣實謹具中尚書某部謹狀年月依常式隨勅申明廩庫紹興元

年九月十五日勅諸路起發網運依法見錢二萬貫經計金二萬兩銀一十萬

兩各為一全網推賞令推將金銀計價以金八萬貫銀五萬貫為一全網並令

交納處計價推賞餘依見行條法紹興五年正月二十四日勅今後諸路起

發到網運量輕重遠近分定等第如所押官物到庫務交納別無少欠這程量

與推恩今權宜立定酬獎下項諸路水陸網運無少欠全網謂見錢二萬貫

以上餘物依條比折計數金銀依已降紹興元年九月十五日指揮計價推賞

下淮山三千里轉一官選人比類施行下淮山二千七百里減三年半磨勘二

二千四百里減三年磨勘二千一百里減二年半磨勘一千八百里減二年磨

勘一千五百里減一年半磨勘一千二百里減一年磨勘九百里陞一年名次

六百里陞三年名次三百里陞半年名次九分網三千里減三年半磨勘二

千七百里減三年磨勘二千四百里減二年半磨勘二千一百里減二年磨勘
一千八百里減一年半磨勘一千五百里減一年磨勘一千二百里陞一年名
次九百里陞三季名次六百里陞半年名次三百里陞一季名次 八分綱三
千里減三年磨勘二千七百里減二年半磨勘二千四百里減二年磨勘二千
一百里減一年半磨勘一千八百里減一年磨勘一千五百里陞一年名次一
千二百里陞三季名次九百里陞半年名次六百里陞一季名次三百里支賜
絹六匹半 七分綱三千里減二年半磨勘二千七百里減二年磨勘二千四
百里減一年半磨勘二千一百里減一年磨勘一千八百里陞一年名次一千
五百里陞三季名次一千二百里陞半年名次九百里陞一季名次六百里支
賜絹六匹半三百里支賜絹六匹 六分綱三千里減二年磨勘二千七百里
減一年半磨勘二千四百里減一年磨勘二千一百里陞一年名次一千八百
里陞三季名次一千五百里陞半年名次一千二百里陞一季名次九百里支
賜絹六匹半六百里支賜絹六匹三百里支賜絹五匹半 五分綱三千里減
一年半磨勘二千七百里減一年磨勘二千四百里陞一年名次二千一百里
陞三季名次一千八百里陞半年名次一千五百里陞一季名次一千二百里
支賜絹六匹半九百里支賜絹六匹六百里支賜絹五匹半三百里支賜絹五

足 四分綱三千里減一年磨勘二千七百里陞一年名次二千四百里陞三
季名次二千一百里陞半年名次一千八百里陞一季名次一千五百里支賜
絹六尺半一千二百里支賜絹六匹九百里支賜絹五尺半六百里支賜絹五
尺三百里支賜絹四尺半 三分綱三千里陞一年名次二千七百里陞三季
名次二千四百里陞半年名次二千一百里陞一季名次一千八百里支賜絹
六尺半一千五百里支賜絹六匹一千二百里支賜絹五匹半九百里支賜絹
五尺六百里支賜絹四匹半三百里支賜絹四匹 二分綱三千里陞三季名
次二千七百里陞半年名次二千四百里陞一季名次二千一百里支賜絹六
尺半一千八百里支賜絹六尺一千五百里支賜絹五尺半一千二百里支賜
絹五尺九百里支賜絹四尺半六百里支賜絹四尺三百里支賜絹三匹半
一分綱 如止及一千貫以上減半 三千里陞半年名次二千七百里陞一季名
次二千四百里支賜絹六匹半二千一百里支賜絹六尺一千八百里支賜絹
五尺半一千五百里支賜絹五尺一千二百里支賜絹四尺半九百里支賜絹
四尺六百里支賜絹三尺半三百里支賜絹三尺 紹興五年三月十五日勅
今後行在差人管押錢物往外路州郡應副軍須支遣及充雜本之類其所押
人如至交納處別無疎虞欠損今比照諸州郡差人管押錢物赴行在綱運參

酌立定推賞等第下項 全綱 謂見錢二萬貫以上者餘物依條比折計數金

銀依已降條與元年九月十五日指揮並授行在紐計推賞 三千里減三千半

磨勘 選人止類施行下事 二千七百里減三年磨勘二千四百里減二年半

磨勘二千一百里減二年磨勘一千八百里減一年半磨勘一千五百里減一

年磨勘一千二百里減一年名次九百里減三年名次六百半里減半年名次三

百里減一季名次 九分綱三千里減三年磨勘二千七百里減二年半磨勘

二千四百里減二年磨勘二千一百里減一年半磨勘一千八百里減一年磨

勘一千五百里減一年名次一千二百里減三年名次九百里減半年名次六

百里減一季名次三百里支賜絹六疋 八分綱三千里減二年半磨勘二千

七百里減二年磨勘二千四百里減一年半磨勘二千一百里減一年磨勘一

千八百里減一年名次一千五百里減三年名次一千二百里減半年名次九

百里減一季名次六百半里支賜絹六匹半三百里支賜絹六疋 七分綱三千

里減二年磨勘二千七百里減一年半磨勘二千四百里減一年磨勘二千一

百里減一年名次一千八百里減三年名次一千五百里減半年名次一千二

百里減一季名次九百里支賜絹六疋半六百半里支賜絹六匹三百里支賜絹

五匹半 六分綱三千里減一年半磨勘二千七百里減一年磨勘二千四百

里陞一年名次二千一百里陞三季名次一千八百里陞半年名次一千五百
里陞一季名次一千二百里支賜絹六匹半九百里支賜絹六匹六百里支賜
絹五匹半三百里支賜絹五匹五分綱三千里減一年磨勘二千七百里陞一
年名次二千四百里陞三季名次二千一百里陞半年名次一千八百里陞一
季名次一千五百里支賜絹六匹半一千二百里支賜絹六匹九百里支賜絹
五匹半六百里支賜絹五匹三百里支賜絹四匹半四分綱三千里陞一年
名次二千七百里陞三季名次二千四百里陞半年名次二千一百里陞一季
名次一千八百里支賜絹六匹半一千五百里支賜絹六匹一千二百里支賜
絹五匹半九百里支賜絹五匹六百里支賜絹四匹半三百里支賜絹四匹
三分綱三千里陞三季名次二千七百里陞半年名次二千四百里陞一季名
次二千一百里支賜絹六匹半一千八百里支賜絹六匹一千五百里支賜絹
五匹半一千二百里支賜絹五匹九百里支賜絹四匹半六百里支賜絹四匹
三百里支賜絹三匹半二分綱三千里陞半年名次二千七百里陞一季名
次二千四百里支賜絹六匹半二千一百里支賜絹六匹一千八百里支賜絹
五匹半一千五百里支賜絹五匹一千二百里支賜絹四匹半九百里支賜絹
四匹六百里支賜絹三匹半三百里支賜絹三匹一分綱如止一千貫以上

減半 三千里陞一季名次二千七百里支賜絹六尺半二千四百里支賜絹六
匹二千一百里支賜絹五匹半一千八百里支賜絹五尺一千五百里支賜絹
四尺半一千二百里支賜絹四尺九百里支賜絹三尺半六百里支賜絹三尺
三百里支賜絹二匹半 紹興五年九月二十四日勅今後外路合起赴行在
錢物承朝廷指揮支移起發應付別路州軍屯駐軍兵支遣令交納處勘聽所
押錢物綱運如無欠損違程保明申尚書省降下所屬依紹興五年三月十五
日行在支府錢物往他處州軍支遣立定等第推賞 紹興七年閏十月一日
勅四川金銀綱運令比做路押綱賞格重別恭酌量輕重遠近分定等第酬賞
如所押官物到庫務交納別無少欠違程並依立定賞格經計推賞合重別恭
酌權宜立定酬獎下項四川路水陸綱運無少欠 全綱 謂見錢二萬貫以上
者係物依條比折計數全依條已得條與元年九月十五日指揮計價以金六
萬貫領四萬貫各為一綱推賞下准此 六千五百里轉一官減三年磨勘 進人
以類施行下准此 六千里轉一官減二年半磨勘六千五百里轉一官減二年
磨勘五千里轉一官減一年半磨勘四千五百里轉一官減一年磨勘四千里
轉一官陞一年名次三千五百里轉一官陞半年名次三千里轉一官 九分
綱六千五百里轉一官減二年半磨勘六千里轉一官減二年磨勘五千五百

星轉一官減一年半磨勘五千里轉一官減一年磨勘四千五百里轉一官減
一年名次四千里轉一官陞半年名次三千五百里轉一官三千里減三年半
磨勘 八分綱六千五百里轉一官減二年磨勘六千里轉一官減一年半磨
勘五千五百里轉一官減一年磨勘五千里轉一官陞一年名次四千五百里
轉一官陞半年名次四千里轉一官三千五百里減三年半磨勘三千五百里減三
年磨勘 七分綱六千五百里轉一官減一年半磨勘六千里轉一官減一年
磨勘五千五百里轉一官陞一年名次五千五百里轉一官陞半年名次四千五百
里轉一官四千里減三年半磨勘三千五百里減三年磨勘三千五百里減二年半
磨勘 六分綱六千五百里轉一官減一年磨勘六千里轉一官陞一年名次
五千五百里轉一官陞半年名次五千五百里轉一官四千五百里減三年半磨勘
四千里減三年磨勘三千五百里減二年半磨勘三千五百里減二年磨勘 五分
綱六千五百里轉一官陞一年名次六千里轉一官陞半年名次五千五百里
轉一官五千五百里減三年半磨勘四千五百里減三年磨勘四千五百里減二年半
磨勘三千五百里減二年磨勘三千五百里減一年半磨勘 四分綱六千五百里
轉一官陞半年名次六千里轉一官五千五百里減三年半磨勘五千五百里減
三年磨勘四千五百里減二年半磨勘四千五百里減二年磨勘三千五百里

減一年半磨勘三千里減一年磨勘 三分綱六千五百里轉一官六千里減
三年半磨勘五千五百里減三年磨勘五千五百里減二年半磨勘四千五百里減
二年磨勘四千里減一年半磨勘三千五百里減一年磨勘三千五百里減
次 二分綱六千里百里減三年半磨勘六千里減三年磨勘五千五百里減
二年半磨勘五千五百里減二年磨勘四千五百里減一年半磨勘四千五百里減一年
磨勘三千五百里減一年名次三千五百里減三年名次 一分綱如止及一千
以上減半 六千五百里減三年磨勘六千里減二年半磨勘五千五百里減二
年磨勘五千五百里減一年半磨勘四千五百里減一年磨勘四千五百里減一年名次
三千五百里減三年名次三千五百里減三年名次 紹興十一年八月十六日勅
勘會諸路管押綱運赴行在依格二萬貫為全綱若押及兩全綱令戶部對數
增賞今後管押人聽押至兩全綱止紹興十一年十二月四日勅今後管押外
路州軍合赴行在錢物承朝廷指揮支移應副別路屯駐軍兵支用其管押人
如押及兩全綱已上據地里遠近與作一綱半推賞如所押官錢物不及兩全
綱之人止作一金綱餘依見行條法 紹興二十三年四月二十六日勅諸路
錢物綱運赴行在昨緣道路梗澁及朝廷支降錢物往他處并外路合發行在
錢物承指揮支移應副別州郡屯駐軍兵及總領所等差官押到錢物節次以

經計推賞太優今來道路通快比前日不同今後管押逐色綱運如無欠損違
程並依見行賞格上減半推賞二人已上管押依條分受除依見行條法指揮
紹興二十八年十一月四日勅今後應諸路州軍起發上供等錢物赴行在內
有往還建康鎮江府總領所就行拘截或先換輕齎綱運如係專承朝廷指揮
許令免截交納訖別無欠損違程與計元指送綱去處地里依格法推賞其不
徹地里水腳錢令免截官司依舊拘收入官 紹興三十年六月二十九日勅
鑄錢司今年錢綱依舊以二萬貫為一全綱自二萬貫已上添押之錢與據數
推賞謂如一萬貫合得減十箇月零半月磨勘五千貫合得減五箇月零七日
磨勘之類 紹興三十二年九月二十四日勅鑄錢司應募官押發紹興三十
一年以後錢綱並依紹興三十年六月二十九日已降指揮推賞施行 紹興
三十二年十二月二十九日勅今後諸州綱運起發赴行在送納內有經過建
康鎮江府總領所拘截之數許令就行在所屬陳乞取索隨身逐處鈔據并不
徹地里水腳錢于照勘監一併依條推賞 隆興二年二月八日勅在朝奉
郎馮忠嘉右奉議郎許牧管押成都府路提刑司銀絹綱赴內藏庫交納各
紐及一全綱零七分已各減三年半磨勘了當今來馮忠嘉等乞放行零分綱
賞令戶部照應零分格法與減半推賞今後依此施行本所看詳前項逐件指

擇並係權宜所略難以修為成法緣係見行今編節作申明存留照用 乾道
七年正月二十九日尚書省批下戶部申相度今後諸路州軍起發金銀錢帛
糧斛綱運赴行在及外路總領所缺納往涉重湖大江及平河并路分作等第
程限如違更不推賞若經過關堰如有緣故或遇釘關日令即令監押官於行
程曆內分明批鑒到南及啟關通放日時除豁施行今兩具下項徵批送戶部
依相度到事理施行一經由重湖大江綱運不時有風濤卒暴湍險去處依法
於行程曆上批說風水事故除豁推賞若內有經由平河地里程限即與重湖
大江程限通行紐計如無違程依格推賞若有違程其差押入三日降一等十
日不在賞限募押人十日降一等二十日不在賞限一經由平河綱運阻淺盡
剋之類其程限不得過正破程限日子一倍半如違更不推賞一陸路綱運阻
滯風雨其程限不得過正破程限十日如違更不推行 淳熙七年十二月十
六日勅諸路監司州軍今後差押綱官須管遵依條法如所差官不應格難官
物數足亦不推賞若有少欠仰所屬關具元差當職官姓名申朝廷取旨施行
雜勅 淳熙八年八月三日勅州縣裝綱即畢起發有日則三申下却官司
謂之先中綱解及起發則關報緣路巡尉批鑒行程奈何弊端百出至於起發
綱解計會不申緣路行程未嘗批鑒今後凡所中綱解不依法計緣路催綱司

應批行程而不批縱容留滯不即趕發以致愆期並不許推賞其催綱官司與不申綱解去處亦次第施行